



सानसेयारि **“बड’सा”** खरीर्लाइयाव
स्मानजयारि जिउजो लोब्बा थानाय रायथाय, खन्थाय,
खल’, खल’बाथा आरो दावबायारि थावनि, पार्क
बाइदिनि ब्यायाव लिन्नाय लिन्बिदां दैथाय हर्/
सानसेयारि **“बड’सा”** खरीर्लाइया खेबखानावै
फोखावजोन/
बड’सायाव लिन्हर्नायनि हुदा खलाम,
“बड’सा” खरी नोथां, जौ बयबो आंगो खलाम/
सानसेयारि बड’सा मावबुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 5 May, 2025 Kokrajhar, BTC, Assam ★ Vol.- 35, Issue No. 40 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

जागिरडनि टाटा सेमिकन्डाक्टर एसेमब्लि आरो आन्जाद नायग्रा मिरुनि बिथांखि जायगायाव जापाननि थान्दै हान्जाखौ गिबि मन्थि ड० हिमन्त बिश्व शर्माआ बरायदों

दिसपुर, 4 मे: आसामनि गिबि मन्थि ड० हिमन्त बिश्व शर्माआ दिने जागिरडनि टाटा सेमिकन्डाक्टर एसेमब्लि आरो आन्जाद नायग्रा मिरुनि बिथांखि जायगायाव जापाननि हाउस अफ रिप्रेजेन्टेटिभनि मासिगिरि नुकागा फुखुशिर’ आरो बिथांजों फैफानाय गोजौ थाखोनि गोहो गोनां थान्दै हान्जाखौ बरायो आरो मान बाउवो। मख’नो गोनांदि, सास्थामनि दावबायनाय हाबाफारिजों आसामाव नुजाथिफैनाय जापाननि हाउस



अफ रिप्रेजेन्टेटिभनि मासिगिरि नुकागा फुखुशिर’ आरो बिथांजों फैफानाय गोजौ थाखोनि गोहो गोनां थान्दै हान्जाया दिने नैथि सानखालि जागिरडआव लुजाबाय थानाय टाटा सेमिकन्डाक्टर एसेमब्लि आरो आन्जाद नायग्रा मिरुनि बिथांखिसालिखौ नायसंफैयो। गिबि मन्थि ड० शर्माआ जापाननि हाउस अफ रिप्रेजेन्टेटिभनि मासिगिरि नुकागा फुखुशिर’ आरो बिथांजों

(□ 6 बिलाइआव)

आसाम आइन आफादनि बुंथिगिरि बिस्वजित दैमारिआ जापान हादरनि थान्दैफोरनि सिगाडव जापान रावजों बिबुंथि लाखिदों

जापान हादरनि थान्दैफोरखौ आसाम आइन आफादआ बरायदों

दिसपुर, 4 मे: जापान हादरनि संसदारि आरो फालांगि बिफाननि मोनसे थान्दै हान्जाया मैया आसाम राइज्योआव सफै दों। आसाम आइन आफादनि बुंथिगिरि बिस्वजित दैमारिआ आसाम दावबायनो फैनाय बेसा 57 थान्दै हान्जाखौ गुवाहाटीनि एल.जि.बि. मुलुगनां बिरखं गाथोनाव बरायहैदों। मख’जाथावदि,

(□ 6 बिलाइआव)



थानानै थासान्दियावनो बिफां गाइ, लेखा गोरों जा आरो इसोरखौ खुलुम: ड० अजित बर’



कक्राझार, 4 मे: जिउआ थरथिंसेल’, आगोमा आरो जोबोद बेसेन गोसा। बेखौ बायनानै मोना। फेग्रा मुवा जानानै, फरायनायखौ आद्रा ससेयाव नानारनानै, उन्दै

बैसोआव हाबा जानानै गावनि बेसेन गोसा जिउखौ आद्रि दाखालाम। बे बाथाखौ बुंदों सोलौंथाइगिरि ड० अजित बर’आ। कक्राझार जिल्लानि सिङव थानाय आफलागाव

ओन्सोलनि पञ्चबिल मिलन क्लब काम लाइब्रेरी आरो रंजालि बैसागु खुंफुं आफादनि बान्जायनायाव साननैनि हाबाफारिजों खुंफुंनाय खुंगा 22थि रंजालि बैसागु फोबों

फालिथाइ लोगोसे सनाथि माइथाय फोबों फालिथाइआ मेहेर गोनाडे जोबलांबाय। पञ्चबिल गामनि गेलेग्रा फोथाराव 3 आरो 4 मे, 2025 इ’ अक्टखालि साननैनि हाबाफारिजों खुंनाय बे 22थि रंजालि बैसागु फोबों फालिथाइ लोगोसे सनाथि माइथाय फोबों फालिथाइनि गिबि सानआ बायदि बायदि हाबाफारिजों जोबलांनयनि उनाव दिने नैथि एबा जोबथा साननि हाबाफारि बायदियै फुबिलि समाव गुबुन

(□ 6 बिलाइआव)

बाथौ ट्रेडिसनेल एण्ड काल्सारेल चेन्टारनि दैदेनगिरिफोरा राइज्यो बैंगिरिजों बाथौज्मिनि सायाव सावरायदों



कक्राझार, 4 मे: बि टि आरनि राजथारनि नोगोर कक्राझारनि बागानसालियाव थानाय बाथौ

ट्रेडिसनेल एण्ड काल्सारेल चेन्टारनि दैदेनगिरि आरो बिबानगिरिफोरा मैया आसामनि

राइज्यो बैंगिरि लक्ष्मन प्रसाद आचार्यखौ लोगो हमनानै बर’फोरनि गुदि धोहोरोम बाथौ धोहोरोमनि सोमोन्दै गुवारै सावरायज्यायदों। थानाय 3 मे अक्टखालि गुवाहाटीनि राज भवनआव सानजौफुनि 12:30 रिंगायाव आसामनि राइज्यो बैंगिरि लक्ष्मन प्रसाद आचार्यखौ लोगो हमनानै सावरायनाय समाव बाथौज्मिनि सोमोन्दै गुवार आरो गोथौवै सावरायनाय

(□ 6 बिलाइआव)



गरेस्वरनिफ्राय दैमालुराम बर’, 4 मे: बाघड’बा गरेमसा हारिमु आफादनि बान्जायनायाव 113 नं बाघड’बा जे.बि. फरायसालिनि गेबलां फोथाराव खुंगा 25 थि रंजालि बैसागु रुफाथि माइथाय फोरबोखौ गाजा-गोमजायो फालिदों। तामलपुर जिल्लानि सिङव थानाय गरेस्वर हालामनि बाघड’बा गरेमसा हारिमु आफादआ रुफाथि माइथाय फोबोंखौ सोलिफु

(□ 6 बिलाइआव)

कक्राझार-चिरां जिल्ला दालाय श्रीमन्त शंकरदेब शंघनि रुफाथि माइथाय फोबों खुनो साखा-फारा



बासुगाव, 4 मे: श्रीमन्त शंकरदेब शंघनि कक्राझार-चिरां जिल्ला दालायनि रुफाथि माइथाय आरो बोसोरारि जथुम्मा खुनो साखा-फारा जादों। कक्राझार-चिरां जिल्ला दालायनि आफादगिरि अशक कुमार भक्तनि आफादगिरि मासि सामलायनायाव खुंनाय मेलखौ सामलायदों नेहाथारि बलेन चन्द्र रायआ। बासुगाव ज्ञानपित जातीय फरायसालियाव खुंनाय मोनसे राइज्योआरि मेलाव ताकुरसिं रायखौ आफादगिरि, सम्भु राजबंसिखौ

(□ 6 बिलाइआव)

कक्राझारआव मेलेरिया बेरामजों सा 443 सुबुंफोरा सन्देर जानानै दड

जिल्ला बैंगिरिआ गोहोम गोर्लैनाय गामियाव नायसंहैदों

कक्राझार, 4 मे: बड’लेण्डनि सदर कक्राझार जिल्लायाव फिन मेलेरिया बेराम जानायफोरनि अनजिमाया बांनयनि सोमोन्दै कक्राझार जिल्लानि जिल्ला बैंगिरि माचान्दा मागदालिन पार्तिन, माहारियारि देहा मिशन (एनएडिएएम) आरो जिल्ला देहा

बिफाननि बिबानगिरिफोरजों दिने मेलेरिया बेरामनि गोहोम गोर्लैनाय दरसे गामियाव नायसंफैनाय जायगानि थासारिखौ मिबथिना लानानै थि राहा आजावना लानो थांखि लायो। मिबथि मोन्नाय बादियै



बे दावबायनायनि थांखिया जाबाय मेलेरियाजों सन्देरजानायनि अनजिमाया बांनयनि थाखाय सन्देरजानाय बेराम जानायफोरनि फाहामथायनि राहा आजावनाय, बेराम जानायखौ बाडाइ खालामनो थाखाय गोनाथिनि

मुवा-बेसाद बाहायनायखौ थि खालामनायजों लोगोसेनो मेलेरिया होबथानाय आरो सिगांग्रो फाहामथायनि सोमोन्दै सांग्रांथि लाबोनो जायगानि राइजो-राजाफोरखौ सांग्रां जानो थाखाय थि राहा आजावनायखौ

(□ 6 बिलाइआव)



सि बियाबनि सिङव देग्लाइ बोसोरनि मेट्रिक आन्जादआव सेथि मासि लानानै उथिसार जानो हानाय फरायसाफोरखौ

बरायनायजों लोगोसे मान बाउनाय हाबाफारि लादों। सिङव गासै सा 313 फोरमायनो गोनांदि, देग्लाइ फरायसाफोरा मेट्रिक बोसोराव 25 नं बागानपारा (

एस टि) बि टि सि बियाबनि सा 313 फरायसाफोरा मेट्रिक (□ 6 बिलाइआव)

NERIM GROUP OF INSTITUTIONS

NERIM
Your Academic Home
Estd. 1992

Registration opens for DIRECT ADMISSION into the following Under Graduate programmes for the Academic Session 2025-26.
Interested candidates may connect with our admission counsellor at 9954190758 / 9954051419, or visit the official website : www.nerimindia.in for further information.

BBA 3-yr		45% in 10+2 in any stream (40% for SC/ST /OBC) Special Feature.... • Assured Placement Assistance • Complimentary Laptops to MBA, MCA & PGDM students • All Classrooms are Air Conditioned / Smart Classrooms and Computing Labs • Free Corporate Suit and Course Pack to all the students • Enriched Library with e-Library facilities • Complimentary Diploma in Computer Applications (DCA) • Educational Loan Assistance • Wi-Fi enabled campus • Hostel facility for Girls (in campus) & Boys • Health care arrangements and Accidental Medical Assistance.
50% in 10+2 in any stream (45% for SC/ST)		
BCA 3-yr		
BA LLB(H) 5-yr integrated		
BSW 4-yr		
B.Com(H) 4-yr		
BA(Psychology) 4-yr		

Post Graduate programmes for the Academic Session 2025-26.

MBA (2-yr Full Time)	PGDM (2-yr under AIMA)	MBA (3-yr Part Time)	MCA (2-yr Full Time)
MA Applied Psychology (2-yr Full Time)	M.Sc Computer Science (2-yr Full Time)	MA Education (2-yr Full Time)	
MSW (2-yr Full Time)	LLB (3-yr Full Time)	B.Ed (2-yr Full Time)	

Prof. (Dr) Sangeeta Tripathi, Director, NERIM
Padma Nath Sarmah Bhawan, Jayanagar, Khanapara, Guwahati - 781022
nerimindia@gmail.com

सुजुगिरिनि खोलोम

मोजां लामा

जोंनि फिसा राइज्योआव दासान्दि रंजालि बैसागुनि रंजानायजॉं लोगोसे बैसागु बिदायनि रंजानायाबो समानैनो सोलिगासिनो थानायखौ नुनो मोन्नाय जादों। रंजानाय बोथोरनि गेजेरावनो सम सम आइजोफोरनि सायाव उतरखार खालामनाय गावजों–गाव दोनखारलायनाय, गोमानानै थानाय बाइदिसिना जाथायफोर समाजनि गेजेराव सोमजिबाय थानायनि खौरां समाजआरि बिजोंफोरनि गेजेरजों गावबा गावनि आंगोखौ मोनफिनो, फैफिनो खावलायहरनाय नुनो मोन्नाय जायों। बेफोर जाथायफोर नुनायव सरसन्साबादि जायों, नाथाय बैसोर दुखुथिया नख'र आरो सुबुंफोरसो मिबथिगोन आंगोखौ खोमानांनाय दुखुया बेसे गोसा जायों। समाजनि थाखाय खहा गोनां बेफोर जाथायफोरखौ समाजया बेसे गोबावसिम सहायनानै थाबावानांगोन २ मोनसे समआव जॉनि आइ–बिनानावफोर बाइजोयाव ओंखारसो हायै, रैखाथि गैयै थासारि सौफैदोंमोन, जायनि थाखाय समाजनि साफ्रोमबो सुबुंफोरखौनो सानस'हो हायै बादि हालोदआव खोख्रैदोंमोन। आथिखाल थासारियाव सोलायनाय फैदोंब्लाबो माखासे सुबुंफोरनि गेजेराव समाज बरेखा हाबायाव लोब्बा थानानै मालाइनि गोजोन संसारखौ सिमफायनाय जाथायफोरबो समानैनो जाफलायबाय थानायखौ समाजआरि बिजोंफोराव नुनो मोन्नाय जायों। नुनो मोन्नाय जादों नख'र संसार बायस्थानाय बादि दुखु गोनां, सोंखास्थिव जाथायफोर बबे समआव सोमजिलांगोन बेनि रेखाथि मोन्नांगौया गोब्राब। बेफोर जाथावनान्डै समाज बरेखा हाबाखौ होबथानो समाजजों लोगोसे साफ्रोमबो सुबुंहानो बिबान थानांगे। गावजों–गाव सांप्रांथि जायब्ला, खौसेयै गोखौ रहा लायाब्ला आरो बिबान गैयै जालाडेब्ला समाजआव गानो रेङे गारय बादि जालानो हमनाय गाज्रि जाथायफोर बांलांनायनिसो महर लागोन।

सोलिफु समनि सोलायनाय थासारि आरो टेक्न'लजिनि दिहुन्थाय मुवाफोर आथिखाल बयजोंबो गोलेँयै बाहाय जानो हमबाय। दिहुन्थाया खायफानि थाखाय मोजां जादोंब्ला, गुबुन माखासेनि थाखाय खहा गोनांबो जादों। अदेबानि बेयो सुबुंनि बाहायनायनि सायावसो सोनारो। मोजाङै बाहायोब्ला जिउनि लामाखौबो सोलाय होनो हायो टेक्न'लजि दिहुन्थाय मुवाफोरा। खायफाया गाज्रि हाबाआव बाहायदावनायनि जाउनावसो बेनिफ्राय लाबोनाय खहा, खैफोदखौ रुजुन्नानै सिर्लिखारनि लामाजों आगान सुल्नांगे जायों। आथिखाल समाजआरि बिजोंनि गेजेरजों खोनासंथावै बाश्रा सावरायनाय, नांज्ालायनाय, सोंखारिलायनाय, आखल–आखु आरो फाव–फेसन दिन्थिनायफोर समाजनि थाखाय बेसेबां गनायथाव जायों, सान्नो गोनां। समाजआरि बिजोंआनो गोर्बानि जिउ लामायाव गोथौ हाखर मह्रै नुजानायखौ जों सोलिफु समआव नुनो मोन्नाय जायों। दिनैनि लाइमोन हान्ज्ायानो गाबोन हादतनि, हारिनि दैदेनगिरि जाहेगोन। बेखायनो बिसोर लाइ्मोन हान्ज्ानो खहा आरो खैफोदनि लामा दिन्थियालासे थुलुंगारखानायनि बाश्राफोर सावरायनानै फोसावनायासो समाजआरि बिजोंनि गोनां। समाजआरि बिजोंआव फोसावनो गोर्बांथार आयदाफारिफोर थायों। सोलिफु समाव जिउ खुंनाय आरो दानायनि बाइदिसिना रहा–लामा नागिरनायाव नांथाबो सुबुंफोर। बिब्दियाव मदत फैनाय बादि समाजआरि बिजोंनि गेजेरजों फरायनाय, सोल्लौनाय, गेलेनायजों दावगानो हानाय लोगोसे आबाद मावनाय, फिथाय–सामथाय, मैगं–थाइगं दिहुन्नाय, दाव–दाव्देनि फार्म बाइदि मावनानै जोगानो हानाय सुबुंफोरनि फार्मफोरखौ बिदिन्थिजों थुलुंगाखां होनायनि रहा लानो हायो। गाज्रि जाथाय आरो खोरंखोल' सायख'–'सायख' फोसावोब्ला मोजां फिथाय थायनाय नइ, बेले–बेजेयासो बोस्नांजायै जानानै थागोन। मोजां, थुलुंगा गोनां आयदाखौ लानानै फोसावोब्ला नायगिरिफोरा गोजोनगोन, थुलुंगा मोनगोन, गोर्बां समआवनो गोर्नांथि गैयै आयदाफोरखौ लानानै समाजआरि बिजोंआव फोसावनायफोर समाजखौ गुबुननो गाज्रि दिन्थिनाय बादिसो नुहरो। बेखायनो थुलुंगांखां आयदाखौ लानानैसो फोसावनाया गाहाम।☐

दिनैनि फान्जामुथि	
	
<i>राशि बाइदियै मुंनि गिबि हांखो</i>	
मेष : अ ल बुष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)	
मेघ: गावनि महर–मुखिआ समायना जानो हानायनि मुलाम्फा मोन्नो हागोन। गोसोखौ गोजोन मोनगोन।	
बृष: गोबाव समनि नाजा बोनाय थांखिया जाफुंगोन। गोजोन्नायखौ मोन्नो हागोन। मोजां सान।	
मिथुन: अंहखारै माबाफोर खामानि मावनो हागौ। गोसोखौ हपथा।	
कर्कट: फालांगि मावग्रानि थाखाय गाहाम सान। मुलाम्फा आरजिनो हागोन। गोजोन मोनगोन।	
सिंह: माबा मोनसे मुवा–बेसाद ख'हा जानो हागौ। जेखि मावा सांप्राङै मावनांगोन।	
कन्या: जेखि जाया न'नि गोथार खामानि मावनो हागोन। सान्नाया जाफुंगोन।	
तुला: जेब्लाबो सुथुरखो फेजेन्नो हागोन। नख'र संसार सान्थि जागोन। मोजां सान।	
वृश्चिक: मानिबा जेंना–जेंसि थानायफोर दइबा फोजोबनानै लानो हागोन। गोजोन्नाय मोनगोन।	
धनु: बेराम–आजार जानायनिफ्राय उदां जानो हागोन। गोसोखौ सान्थि मोनगोन।	
मकर: जायखिजाया बेरामआव गोलैबायनो हागौ। देहाखौ सांप्राङै लाखिनाया गाहाम।	
कुम्भ: कट केस थानाय गोनांफ्रा जोबस्नांगोन। गोसोखौ गोजोन मोनगोन। मोजां सान।	
मीन: हरखाबै माबाफोर मुवा–बेसाद मोन्नो हागोन। दिनैनि सानआ मोजां। गोजोन मोनगोन।	

भारतआ सिन्धु दै रदाय (सुक्ति) सिफायनायनि उनावनो पाकिस्तानआबो सिमना रदाय (सुक्ति) सिफायबाय ! सिमला रदाय (सुक्ति)! आ भारतनि मा ख'हा खालामगोन!

बुद्धदेब मुसाहारि बासबारि बिसमुρι कक्राइार बि.टि.आर.(आसाम) मबाइल:- 9954941703
--

थॉनाय 22 एप्रिलखालि जम्मू–काश्मीरनि पेहेलगामआव पाकिस्तानजों मदत होजानाय इस्लामारि उतरखारिफ्रा भारतनि सा 26 दावबायारिफोरखौ खास्ति–बिस्त्रियै बुथारनायनि उनाव 23 एप्रिल अक्टखालि 1960 ई माइथायाव भारत आरो पाकिस्ताननि गेजेराव रदाय (सुक्ति)खानाय सिन्धु दै रदाय (सुक्ति) खौ भारत सोरखारा सिफायबाय होन्ना फोसावो। बेनि उनावनो पाकिस्तानआबो बेनि फिन्नाय मह्रै सिमला रदाय (सुक्ति) खौ सिफायनाय जाबाय होन्नानै खौरां बिजोंआव मिथि होयो!

दानिया बयनिबो गोसोआव सोंथि फैयोदि, पाकिस्तानआ सिमला रदाय (सुक्ति) सिफायनायनि थाखाय भारतहा मा ख'हा जागोन! आरो बे रदाय (सुक्ति) आव मा दंमोन! बाइदि बाइदि। सिमला रदाय (सुक्ति) मिथिनो थाखाय जों माखासे जारिमिन मिथिनांगोन। 1947 ई माइथायाव भारतआ उदांस्त्रि मोन्नायनि उनाव भारत आरो पाकिस्तानआ मोन्नै बाहागोआव गावस्त्रालांदोंमोन। उदां पाकिस्तानआबो आरोबाव मोन्नै बाहागोआव गावस्त्रा बावो। मोनसे बाहागोया सोनाब पाकिस्तान आरो गुबुन मोनसेया सानजा बंग। सानजा बंगआ पाकिस्तानजों आरो सोनाब बंगआ भारतजों दंमोन। 1955 ई माइथायाव पाकिस्तानआ बै सानजा बंगनि मुंखौ सोलायना सानजा पाकिस्तान मुं होयो। सोनाब पाकिस्तान आरो सानजा पाकिस्तान एखे पाकिस्ताननिनो बाहागोब्लाबो आरो मोन्नैबो बाहागोयावनो मुसलमान सुबुं सानखोआ बांसिन दंमोन अब्ब्लाबो गोर्बां बिथिंआव बिसोरो गावजों गाव गोरोब लायनाय गैयामोन। थोंजोङे बुंनो थॉब्ला सोनाब पाकिस्ताना राजखान्थि रंखास्थि, आबादथ्रिलि, रैनिया बिफान जेरावबो सानजा पाकिस्ताननिखुइ गोहो गोरसिनमोन। सोनाब पाकिस्तानाव गोर्बांसिनै उर्दु आरो पानजापि राव बुंफ्रा आरो सान्जा पाकिस्तानाव बांसिनै बेंगलि राव रायफ्रा थायैमोन। बिसोरनि राव, हरिसुयाबो गोरोबामोन। राजखान्थि, रंखास्थि, रैनिया हान्जा जेरावबो सोनाब पाकिस्ताना गोहो गोरारिसन जानायलाय सोनाब पाकिस्ताना थोंजोङे बिसोरनियाव रैनिया हानजाया सानजा पाकिस्ताननि सायाव जर–जुलुमै सामब्लाय (सासन) नो नाजायो। सोनाब पाकिस्ताननि नेम–खान्थिफोरखौ सानजा पाकिस्ताननि सायाव जाबसिन्ना होदोंमोन। बेनि थाखायनो सानजा पाकिस्ताना सोनाब पाकिस्ताननि सायाव गाज्रि मोन्नाय सोमजिदोंमोन। मोनसे समाव बे गाज्रि मोन्नायानो जोबथा थाखोयाव मोनहैयो आरो सानजा पाकिस्तानाव गावसिनि मोन्थाइ नागिरना गोर्बां आफादफोर जोनोम जायो। बेसोरनि गेजेरावनो दंमोन आबुदुल हामिद खान भाषानी आरो यार महाम्मद खानआ जोनोम होनाय “आवामि लीग” जाय आवामि लीगनिफ्रायनो उनाव शेख मुजिबुर रहमान, शेख हाचिना मोनहा बांलादेशनि गाहाइ मन्थि जादोंमोन।

सान्जा पाकिस्ताननि हिन्दु आरो मुसलमान गासैबो सुबुंनि सायाव सोनाब पाकिस्तान रैनिया हान्जाफ्रा जेबायदि इनाय–अनागारै बुथार र्लुंदोंमोन दिनै मानषिफोरा हमदांनोबो हानाय नइ। 1960 ई माइथायनि उननिफ्राय सोनाब पाकिस्ताननि हेंथायै सानजा पाकिस्तानआ बिप्रायखानांय जागायदोंमोन। बेनि थाखायनो बे समनि सोनाब पाकिस्ताननि President आयुब खाना बिबान एंगारो आरो रैनिया हानजानि गाहाइ याहा खानखौ सोरखारनि बिबान लानो खावलायो। रैनिया हानजानि गाहाइ याहा खानआ 1969 ई माइथायाव बिबान लानाय लोगो–लोगो पाकिस्तानआव जेनेरेल बिसायख'थि जागोन होन्नानै फोसावो। बे जेनेरेल बिसायख'थिखौ सानजा पाकिस्तानआवबो खुंनाय जागोन होन्ना फोसावो। 1970 ई माइथायाव जानाय जेनेरेल बिसायख'थियाव “पाकिस्तान पिपलच पार्टि” नि जुलफिकार आली भट्टनि हेंथायै गसंदोंमोन ‘आवामि लीग'नि शेख मुजिबुर रहमानआ । बे बिसायख'थियाव आवामि लीगनि शेख मुजिबुर रहमानआ।69 आरो ‘पाकिस्तान पिपलच पार्टि'नि जुलफिकार आलि भट्टआ खालि 86 साल’ देरहासार जानो हायो आरो ‘आवामि लीग'आ गोर्बांसिनआव देरहासार जायो। खान्थि बायदिब्ला सानजा पाकिस्ताननि ‘आवामि लीग'आ सोरखार दानो हानायनि मोनथाय

लैथोमा बिबानगिरिफोरा आरब लैथोआव जाहाजफोरनो एलार्ट फोसावदों

गोदान दिल्ली, 4 मे: भारतीय दै सान्थिआ लैथोआव हुदा खालामनायनि हाबाफारि जागायबाय आरो बेनि गेजेरजों लै थोमा बिबानगिरिफोरा फालांगियारि जाहाजफोरनि थाखाय नेभिगेसनेल एलार्ट फोसावदों। एलार्टआव बुंदोंदि, फालांगि जाहाजफोरा आरब लैथोआव माखासे जर'खा ओन्सोलफोरनिफ्राय जानगारै थानांगोन, जाहाथे बिसोरनि रैखाथिखौ रोखा खालामनो हागौ। सुत्तुनि बादिब्ला, दै सान्थ्रनि गाहाइ एडमिरेल दिने श के त्रिपातिआ शनिबारखालि गाहाइ मन्थि



मदिजों लोगो हमदों। भारतीय दै सान्थ्रनि सिडव खामानि मावफ्रा नेसनेल हाइड्रग्राफिक अफिसआ बे नेभिगेसन एलार्टखौ फोसावदों, जेराव आरब लैथोनि माखासे जर'खा ओन्सोलआव फालांगि जाहाजफोरखौ होबथादों।

दंमोन नाथाय पाकिस्तान रैनिया हानजानि गाहाइ याहा खानआ मुस्लिम लीगनि थाखाय सासे दैदेनगिरि नुरुल आमिनखौ खालि जिथाम (13) साननि उनाव नुरुल आमिनखौ बोखारनानै पाकिस्तान पिपलच पार्टिनि जुलफिकार आली भट्टआ गावनो पाकिस्ताननि गाहाइ मन्थि जायों।

जुलफिकार आली भट्टनि बिथोनावनो पाकिस्ताननि रैनिया हानजाया सानजा पाकिस्ताननि बांला राव बुंफ्रा मुसलमान, हिन्दु गासैबो मानषिफोरनि सायाव इनाय–अनागारै साजा होयो। खारिथि (Information) बायदिब्ला सोनाब पाकिस्ताननि रैनियाफ्रा सानजा पाकिस्ताननि 3 (थाम) निफ्राय 30 (थामजि) लाख सरासन्त्रा सुबुंखौ बुथारदों। बे पाकिस्ताननि रैनियाफ्रानो सान्जा पाकिस्ताननि मुसलमान, हिन्दु मोन्नैबो धोरोमनिफ्राय 2 (नै) निफ्राय 4 (ब्रै) लाख आइजोफोरखौ नख'र-नख'र हाबनानै न'निफ्राय दैखारलानानै जिनाहारि खालामो। जिनाहारि खालामनानै गोर्बांखौ बुथारो आरो माखासेखौ हगार हरो। बेनि उनाव गोर्बां आइजोफ्रानो गावखौ फोजोबना लायो। माखासे थानानै थानाय रोजा–रोजा आइजोफ्रा गोर्बोंआव थायो आरो गोर्बांआनो उनाव गथ' जोनोम होयो। बेबायदि गथ'फोरखौ दावहा (युद्ध) नि गथ' (war babies) होन्ना बुंनाय जायो। बेफोर बादि साजाखौ सहायनो हायैनि गोर्बां सानजा पाकिस्ताननि मानसिफ्रा भारतआव खारखुम्बाबेयो आरो शेख मुजिबुर रहमान मोनबादि गोर्बांआ भारतनि मदत बियो।

थासारिया गोब्राब जालानाय सानजा पाकिस्तानखौ मदत होनो थाखाय बै समनि भारतनि गाहाइ मन्थि इन्दिरा गान्धीआ 1971 ई माइथायनि 3 (थाम) डिसेम्बराव सोनाब पाकिस्ताननि हेंथायै दावहा (war) फोसावो। जाय दावहायाव भारतनि रैनिया हान्जानि जानानै दैदेन्दोंमोन रैनिया गाहाइ सेम मानिक्शवआ। 1971 ई माइथायनि दावहायाव भारतजों पाकिस्तानआ गात्रियैनो जेन्नांदोंमोन। फ्राय 6000 रोजानिफ्राय 9000 रोजा पाकिस्ताननि रैनिया बे दावहायाव थैनांदोंमोन। गोर्बां पाकिस्ताननि दावहार टेंक, बेसेबांबा गं दावहार दै दिङ, गंसे साबमिरिन (PNS Ghazi) दावहार अक्रां दिङ फोजोबस्नां जादोंमोन। जोबनायाव 16 डिसेम्बर अक्टखालि भारतनि गोहो–गोरा रैनिया हान्जानि खाथियाव पाकिस्ताननि रैनिया हान्जाया थावरि (सहाय) नो हायैनि थाखाय हाथियार गारना भारतयारि रैनिया हान्जानि खाथियाव आखाय दैखाडे आरो जेन्नायखौ गनायना लायो। भारतनि रैनिया हान्जाया सा 93,000 रोजा पाकिस्ताननि रैनिया हान्जाखौ दावहा कैदि मह्रै खानानै जोबथे सालियाव दोनो।

खालि 13 (जिथाम) सान पाकिस्ताननि रैनिया हानजाया गुगु–गागा दै मोनल्लौना जेन्नाय सिमान लानांनायनि उनाव भारत आरो भारतयारि रैनिया हानजानि हेफाजाबाव सानजा पाकिस्तानआ देरहासार जायो आरो सानजा पाकिस्तानआ मुं सोलायना बांलादेश उदां हादत मह्रै जोनोम जायो।

आथिखाल ससियेल मेडियानि गेजेरजों नुनो मोनो, जाय बांलादेशनि गोर्बां सुबुंआ पाकिस्तानखौ उदाङै मदत खालामनाय आरो भारतखौ सुथुर सान्नाय नोजेराव गोरलैयो। बै गोदान जोलै बांलादेशफ्रा जानो हागौ बिसोरो गावसोरनि जारिमिन जेबो मिथिया। दिनै जायखौ मदत होगसिनो दं बिसोरनि रैनिया हानजायानो सानसे फैनानै गावसोरनि लाख–लाख सुबुंफोरखौ बुथारना थांदोंमोन आरो लाख सानखोआव आइजोफोरखौ जिनाहारि खालाम लांदोंमोन।

1971 ई माइथायाव भारत–पाकिस्ताननि दावहायाव पाकिस्तानआ गाज्रि जेन्नायनि उनाव 2 (नै) जुलाइ 1972 ई माइथायाव इयुनाव भारतआ पाकिस्तानखौ जेन आरोबाव बेबायदि थासारि खालामनो हाया बेनि रदाय बादियै बै समनि भारतनि गाहाय मन्थि इन्दिरा गान्धीजों पारिस्ताननि फोथायखेबस' बै समनि गाहाइ मन्थि जुलफिकार आली भट्टआ हिमाचल प्रदेशनि सिमलायाव मोनसे रदाय (सुक्ति) जौयो। जायखौ सिमला रदाय (सुक्ति) 1972 बुंनाय जायो। बे रदाय (सुक्ति) बादिब्ला (1) गनैबो हादतआ गोजोन सान्थि लाखिनो थाखाय गावबा–गावनि राजखान्थि, रंखास्थि आरो गुबुन हादतयारि जेंनाफोरखौ गनै हादतजों सावरायना सुखांगोन।

(2) रावबो हादतआ गाव हारसिं थांखि लाना गुबुन मोनसे जाबसिनना होनो हानाय नइ।

(3) गनै हादतनि गेजेराव जायखि जाया जेंना जायोब्ला रावबो थामथि गोहो एबा थामथि हादतआ गेजेराव हाबसन्ना आखाय होनो हानाय नइ।

(4) गनै हादतआबो सिमना रैखाथिखौ मान होनांगोन आरो सिमनायाव गुबुन मोनसे हादतआ जेबो मिथिया लासे आखाय होनो हानाय नइ।

(5) गनै हादतआबो हादतनि इसिङारि राजखान्थि एबा सोरखारि हाबा मावफारियाआव आखाय होनो हानाय नइ

(6) गनैबो हादतआ सुंजाबथाय खान्थि (Communication) जेरै–डाक, तेलिग्राफ, लैथो आरो हायुनि गेजेरजों फालांगि। हान्था मेला, अखां हान्था मेला, पुलिस, चौरा (पस्ट) फोरखौ गासनफिनगोन आरो सालायलांबाय थागोन।

(7) गनैबो हादतआ हादतनि नोगोरारिफोरनि थाखाय दावबायनाय खाबुफोरखौ नांगौबादि फोसावनो बिथांखि लानो हागोन।

(8) गनैबो हादतआ बिगियान आरो हारिमु बिथिंआव सोलाय–सोल’ (Noss) फोसावदिं खालामगोन।

(9) गनै हादतआबो गावबा–गाव रैनिया हानजाखौ हादत गेजेरारि (International) सिमानिफ्राय दिखांना लागोन।

(10) गनै हादतआबो जम्मू–काश्मीराव 1971 ई माइथायनि 17 (जिस्ति) डिसेम्बरनि दावहा दोन्थ'नाय जाउनाव सोमजिनाय रैखाथि सिमा रेखाखौ जेबो ख'हा खालामा लासे मान होगोन आरो गावजों गाव दावराव–दावसि जाया लासे आयेननि बुंफोरथिया जेखि जाया मानो रावबो हानजा (पार्टि) आनो बेखौ गाव हारसिङै सोलाय–सोल’ खालामनो हानाय नइ।

बे रदाय (सुक्ति) नि थाखायनो भारतआ खानानै दोन्नाय सा 93 रोजा पाकिस्ताननि रैनिया (दावहा कैदि) फोरखौ न'आव थांनो थाखाय हगारना हरो। बै 1971 ई माइथायनि दावहायाव भारतयारि रैनियाफ्रा गासै 13000 बर्ग किल'मिटार पाकिस्ताननि हा आवग्रिना लादोंमोन नाथाय बै सान्थि रदाय (सुक्ति) नि गेजेरजों खालि 880 बर्ग किल'मिटार हाखौ लाखिना आद्रा 12112 बर्ग किल'मिटार हा पाकिस्ताननो फिन हगारना होयो।

बेफोरनो जादोंमोन सिमला रदाय (सुक्ति) 1972। बे रदाय (सुक्ति) खौनो आथिखालाव पाकिस्तानआ मानिला होन्ना सिफायो। नाथाय बाश्रा जादों, पाकिस्तान सोरखारा बै सिमला रदाय (सुक्ति) नि बाश्राफोरखौ माब्ला मान एबा मानिबोदोंमोन ने ! भारतनि सिमायाव पाकिस्तान रैनिया आखाय होनाय, थामथि गोहो एबा हादतआ गेजेराव हाबना आखाय होनो हानाय नइ रदाय (सुक्ति) थासेयावबो माबा जेंना जाब्लानो चीन एबा आमेरिकानि हेफाजाब नागिरनाय, भारतनि सायाव गावसोरनि मदत होनाय उदखारिफोरजों गाग्लोबनाय, बमा बेरफ़्टु होनाय, भारतयारिफोरखौ बुथार र्लुंनायफोरखौ लानानै सोंथि सिखारो माब्ला पाकिस्तानआ सिमला रदाय (सुक्ति) खौ मानिबोफेर दोंमोन जे दिनैसो बे रदाय (सुक्ति) खौ सिफायनो!

भारतआ सिन्धु दै रदाय (सुक्ति) सिफायनायनि जाउनाव पाकिस्तानआव गोब्राब खैफोद फैगोन नाथाय पाकिस्तानआ सिमला रदाय (सुक्ति) सिफायनायनि जाउनाव जॉनि भारतआव जेबो पाकिस्तानआ सिमना रदाय (सुक्ति) सिफायनायनि जाउनाव जॉनि भारतआव जेबो ख'हा एबा खैफोद जाया। मानोना भारतनि थाखाय पाकिस्तानआ सिमला रदाय (सुक्ति) खौ खालि नामावल’ लेखा बिलाइआव लिस्ना दोन्दों, माब्लाबाबो मानिफेरबोयाखै। बे रदाय (सुक्ति) जानायनि उनावबो 1999 ई माइथायाव भारत–पाकिस्ताननि गेजेराव दावहा जादोंमोन, जाय रदाय (सुक्ति) बादियैब्ला जानो हायामोन। सिमला रदाय (सुक्ति) खौ खालि नामावल’ खालामना माब्लाबाबो मानिबोफैरै पाकिस्तानखौ भारतआबो जेब्लायबो बे बायदिनो फिन्नाय होबोदों आरो होलांबाय थागोन। सिमला रदाय (सुक्ति) थासेयावबो भारतआ पाकिस्तानखौ दमन खालामना दोनबोनांदों, रदाय (सुक्ति) सिफायनायनि उनाव आरोबाव साबर्सिनै दमन खालामनोबो रहा जागोन। भारतआ सिन्धु दै रदाय (सुक्ति) सिफायनायनि उनावनो पाकिस्तानआ मा खालामगोन मा खालामा जानानै जेबो रहा मोनैनि थाखायनो सिमला रदाय (सुक्ति) खौनो मुं लानो आन्था सिफायबाय होन्ना फोसावो। बेनि जाउनाव भारतआ थरथिंसेबो ख'हा जाया।☐

मनिपुरआव ड्रग्स आरो हाथियार बोखांदों



जायो आरो ओन्सोलाव माखासे सिग्रोमनाय हाबाफारि लायो। गं 5 सिंगेल बेरल गान आरो मोन 6 कसाब जब्द खालामो आरो दुथांफेखौ हमनो आरो आद्रा हाथियारफोरखौ बोखानो नाजदों। बे सानावनो चुराचान्दपुर जिल्लानि गमगपिमुअल गामिनि

थिआनमुआनसियामखौ हमो। बे समाव ब्राउन सुगारजों आबुं मोन 418 साबोन बाक्सुफोरखौबो बोखानो मोनो। बेनि लिस्थायखौ गासै 5 कि:ग्रा:नि बांसिन जागोन आरो बाजारआव बेनि बेसेनआ 48.7 कौटि रं जागोन होन्ना बुंनाय जादों। लोगोसेनो गंसे कार आरो मबाइलबो बोखानो हायो।☐

मानास हायुडारि पार्कनि मैदेर बुथारनाय जाथायखौ गोख्रौ नायबिजरनो बिथोन होदों

गुवाहाटी, 4 मे: बड'लेन्ड टेरिटरिएल काउन्सिल (बिटिसि) नि गाहाइ मावफुं सोद्रोमा प्रमद बर'आ हाग्रा बिबानगिरिफोरनो आसामनि मानास हायुडारि पार्कआव मा 3 मैदेर बुथारनायनि दायनिगिरिफोरखौ संदानो आरो साजा होनो थाखाय गोख्रौ बिथोन होदों। भुटानजों नांजाबनाय माहारियारि सिमना साखाथिनि पानबारि रेन्जनि पलेंशि बिटआव हाग्रा बिफाननि मावथिफोरा मा 3 मैदेर थैनाय बोखानो मोन्दों। बे रेन्जआ बिटिसिजों खुंजानाय 500 बर्ग कि:मि: सिमना बास्नायनि संरैखाथि गोनां ओन्सोल। शनिबारखालि खौरंगिरिफोरनि सिगाडव बिटिसिनि सिइएम प्रमद बर'आ बे आयदाखौ गोथौ नोजोर



होथाव होन्नानै बिबानगिरिफोरनो गोख्रौ नायबिजरनायनि बिथोन होयो। हाग्रा नि जिब संरैखाथिखौ बिटिसिआ गोख्रौ नोजोर होयो होन्नानै बिथाड बिटिआरआव मैहुर खालामनाय हाबाफारिआ मख 'जाथाव खमायबोदों होन्नानै बुडो। बे खमायनाया बिथानि सरकारनि

हादरनि 13 जौखोन्दो राजा लामायावल' इलेक्ट्रनिक नोजोर लाखिनाया जाफुंदों: रिपर्ट

गोदान दिल्ली, 4 मे: मुलुगनि गेजेरावनो भारतआव बांसिन लामानि जाब्रथाय जायो होन्नाय तथ्यआ गोबां खेब सोराडव फैखांबाय। लामा हान्था-मेला आरो राजा लामा मावख'नि गासैबो दाबि आरो खोथा होनायफोरा बोसोरफ्रोमबो बांबोगासिनो थानाय लामा जाब्रथायनि अन्जिमानिफ्राय बेयो नंखाय फोरमान जानानै फैदों। जाय एडभान्स ट्राफिक मेनेजमेन्ट सिस्टेमखौ भारतीय माहारि राजा लामा अटरिदिआ गावनि 2016 नि खान्थियाव सोसन्दों मोन। बे एटिएमएसनिफ्राय दासिमआव 13.68 जौखोन्दो माहारियारि राजा लामायाल' सरजाबजादों।



गोबां नाजानायनि उनावबो हादरआव लामानि जाब्रथाय आरो हान्था-मेलाव हेंथा जानायनि आन्दोनि गोबां जाहोन दड। बेजों लोगोसे रड

होन्नानै गनायदों। बेखौ नोजोर होनानै एनएसएसआइनि खान्थियाव 2016 आव बेखौ सोसनफानानै हादरनि गासैबो माहारियारि राजा लामाफोरखौ एटिएमएसजों सरजाबनायनि थांखि लादों। बेनि उनाव 2026 आव सेलेन्सफोर आरो गोनांथिखौ नोजोर होनानै खान्थिखौ फोसाबनानै बेव गोदान टेक्निकनि के मेरा लागायनायनिबो थांखि लानायबो जादों। मख 'जाथावदि, भारतआव माहारियारि राजा लामाआ गासै 1,46,195 कि:मि: दड। बेयाव एटिएमएसनि गेजेरजों इलेक्ट्रनिक नोजोर लाखिनाय 20,000 कि:मि: ल' जाफुंदों।

मणिपुरनि मेइतेइ-कुकि ज' हारियारि दाडाबाजिआ 2 बोसोर जाबाय

गोदान दिल्ली, 4 मे: मणिपुरआव हिंसा नि जाहोनाव बिथा खोमानानाय रोजा-रोजा सुबुंफोरा दासिमबो आंगो बिथायाव थानो नेनानै दं। बिसोरो रेहाय बादफोरगव थानानै जिड खानांदों। नै बोसोर सिगां जानाय हारियारि दाडाबाजियाव फोजोबसालानाय गोहोमखौ बिसोरो दाबो बाडनो हायाखै। 2023 नि 3 मेआव मेइतेइ आरो कुकि-ज' हारिफोरनि गेजेराव हिंसायारि दाडाबाजि जानायाव सा 26 नि बांसिन जिड गोमानांदों मोन, सा 1,500 जोखोम जादों मोन आरो सा 70,000 नि बांसिन सुबुंफोरा बिथा खोमानांदों। मणिपुरआव बे हारियारि दाडाबाजि जानाया 2



बोसोर आबुं जानायनि खाबुआव शनिबार खालि राइज्योनाडै बन्द' फालिदों। मेइतेइ ग्रुप कार्डिनेटि कमेटि अन मणिपुर इन्टिग्रिटी (सिअसिअएमआइ) आ

बाजारफोरा बन्द' थायो। पब्लिक गारिफोरखौ बन्द' खालामो आरो प्राइभेट अफिसफोरबो बन्द' थायो। बे समाव राइज्योनि गाहाइ जायगाफोराव रैखाथि सान्थि हान्जाफोरखौ थिसन्नाय जादों। इम्फल आव सिअएसअएमआइआ मोनसे सन्मेलनआव बिथान्थि पास खालामनानै गोजोन आरो थासारिखौ सरासन्ना खालामना लाखिनो मिरु सरकारनि सिम गोहोम गोनां आरो समाय बायदियै थियारि कुडाचान्दपुरआव रोजा-रोजा कुकि-ज' हारिनि सुबुंफोरा तुइबुअं आव वाल अफ रिमेन्मेरेन्स आव थुबुर थायो आरो आलादा खुंथाइनि दाबि खालामो।

मुम्बाइ, 4 मे: भारतआ गावनि गोख्रौ हारिमु, थाद'नाय गैयै अरलानाय डिजिटेल बाजार, राव आरो हारिमुवारि गुबुन गुबुनथिफोरनि जाहोनाव मुलुगआव मोनसे गिदिर सिनेमाट्र बाजार महैर जौगाबोगासिनो। मोनसे हमदानाय बादिब्ला, भारतनि मिडिया आरो इन्टरनेट उद्यग 2027 सिमआव 36.1 आरब आमेरिकन डलर आरो डिजिटेल मिडिया उद्यगआ 13 आरब आमेरिकन डलरसिम सौहैगोन: रिपर्ट



पाकिस्तानआ भारतीय जाहाजफोरखौ आबुडै होबथाबाय



गोदान दिल्ली, 4 मे: थानाय सानआव भारतआ पाकिस्ताननिफ्राय फैनाय गासैबो मुवाफोरखौ होबथादों मोन। बेजों लोगोसेनो भारतआ पाकिस्ताननि जाहाजफोरखौबो भारतनि गाथोनफोराव हाबफै नायखौ होबथादों। बेनि फिनजाथाय महैर पाकिस्तानआबो भारतीय जाहाजफोरखौ होबथादों। भारत सरकारनि फालांगि मावख'आ शनिबारखालि बिथोन फोसावनानै पाकिस्ताननिफ्राय जायखि-जाया इम्पर्ट आरो आनइम्पर्ट मुवाफोरखौ

नोजोर होनानै रैखाथि आरो रांखाथि हितफोरनि थाखाय बे थांखिखौ लानो गोनां जादों होन्ना बुडो। सुलुनि बादिब्ला, पाकिस्ताननि लैथोमा आयदाफोरनि मावख'आ शनिबार हरआव गासैबो जाहाज गाथोनफोरखौ आरो शिपिं उइनि थाखाय बिथोन फोसावदों, जेराव पाकिस्ताननि फिरफिला लागायनाय जाहाजखौ भारतआव फैहोनाय नड आरो भारतनि फिरफिला लानाय जायखि-जाया जाहाजखौबो पाकिस्तानआव हाबहोनाय नडा। मख 'जाथावदि, थानाय 22 एप्रिलआव पेहेलगामनि उतखारि गाग्लोबनायनि उनाव भारत-पाकिस्ताननि सोमोन्दोआ जोबोद गात्रि जानानै फैदों। जेराव सा 26 दावबायारिफोरखौ जिड फोजोबदों मोन।

आमेरिकानि एफबिआइ बिथोनगिरि पाटेलनि सायाव मावख'निफ्राय बांसिन क्लाबआव सम हगारनायनि अजद सिखांदों



गोदान दिल्ली, 4 मे: आमेरिकानि एजेन्सि फेडरेल ब्युर' अफ इन्भेस्टिगेशननि बिथोनगिरि भारतीय फोलेरनि काश पाटेलनि बिबान मावफुंनायखौ लानानै गिदिर सोंथि सिखांदों। काश पाटेलआ मावख'निफ्राय बांसिन समखौ नाइट क्लाबआव हगारो होन्नानै

बुंनाय जादों। बे अजदखौ ब्युर'निनो सासे बारग' बिबानगिरि फ्रेंक फिग्लुजीआ होदों। फिग्लुजीआ एफबिआइनि काउन्टर इन्टेलिजेन्सनि लेडाइ बिथोनगिरि महैर हाबा मावखांबाय। बिनि बुंनाय बादिब्ला, पाटेलआ गावनि मावख'निफ्राय बांसिन समखौ नाइट क्लाबआव हगारो। लोगोसेनो सानफ्रोमबो जानो गोनां ब्रिफिखौबो सप्ताहआव

गुवाहाटीआव 11 मे खालि ड्राइ डे फोसावदों



गुवाहाटी, 4 मे: कामरुप मेट्र जिल्लाआ आसामआव पन्वायत बिसायख'थिनि नैथि खोलोबआ 5 मेनिफ्राय 7 मेसिम जागोन आरो बेनि उनाव 11 मेखालि भट सान्नायनि थाखाय ड्राइ डे फोसावनाय जादों। जिल्ला बेंगिरिनि गेजेरजों 2 मेखालि फोसावनाय बिथोन बादिब्ला, ड्राइ डेआ 5 मेखालि बेलासिनि 4.30 रिगानिफ्राय जागायगोन आरो 7 मेखालि बेलासिनि 4.30 रिगासिम सोलिगोन एबा थागोन। बेनि जाहोनाव थक बन्डेड वेयरहाउस, आइएमएफएल रिटेल अफ आरो अन गलाफोर, क्लाब बार, हटेल बार, माइक्रोबुभरि, कम्पजित जौनि गलाफोर आरो देशि स्पीरिटनि गलाफोरजों लोगोसे गासै जौनि गलाफोरा बन्द थागोन। बिबानगिरिफोरा बेखौ रोखा खालामदोंदि, बे नेमखान्थिफोरखौ सोरबा जुदि सिफायोब्ला सोलिनाय आइनि गेजेरजों गोख्रोडै आइनारि नायबिजिनाय जागोन। बे बादि आगानखौ देखांनाय थांखियानो जादों गासै जिल्लानाडै गोजोन आरो रोखायै बिसायख'थि खुंनाय।

रसियानि गुबुन हादरयारि मन्थि सर्गेइ लाभरभआ मन्थि जयशंकरजों सावरायदों

गोदान दिल्ली, 4 मे: पेहेलगाम उतखारि गाग्लोबनायखौ लानानै भारत आरो पाकिस्तानआव जेंनाया बांबोगासिनो थानाय समावनो रसियानि गुबुन हादरयारि मन्थि सर्गेइ लाभरभआ भारतनि गुबुन हादरयारि मन्थि एस जयशंकरजों बाश्रा सावरायदों। बिथाड शिमला गोरोबथा आरो लाहौर फोसावदिं लाइनि गेजेरजों सोलोखान्थिनि गेजेरजों दरनै न'सुंसे हादरनि गेजेराव जेंनाखौ सुखानो खावलायदों। रसियान थान्दैआ बुंदोंदि, लाभरभआ



शुक्रबारखालि जयशंकरजों फनआव सावरायदों। बिथाड रसिया-भारतनि हेफाजाबयारि

भारत-पाकिस्ताननि सोमोन्दोआ गात्रिसिनि जाबोनायनि सायावबो सावरायो। लाभरभआ 1972 नि शिमला गोरोबथा आरो 1999 नि लाहौर फोसावदिं लाइनि खान्थिफोरनि बादिब्ला, दरनै हादरयारि सोमोन्दोखौ बिथा खालामनानै राजखान्थियारि आरो सोलोखान्थियारि राहाजों जेंनाफोरखौ सुखानो खावलायो। भारत आरो रसियानि मन्थि बिथान्मोनहा गोजौ थाखोनि फोनांजाबखौ लाखिलानायनि सायावबो सावरायो।



गोदान दिल्ली, 4 मे: दिल्ली इपिआव मे दानिफ्राय बोथोरा सुलायनो हमदों। भारतीय बोथोर बिफान (आइएमडि) आ माखासे

राइज्योफोराव बरफ गोग्लैनाय, बारहुंखा आरो सारअन्थाइ गोग्लैगोननि सांग्रांथि फोसावदों। बोथोर बिफानआ सुबुंफोरखौ सांग्राडै थानो खावलायदों। गोहोम गोग्लैगोन ओन्सोलफोरनि गेजेराव राजस्तान, मध्य प्रदेश महाराष्ट्र छत्तिसगड, झारखान्ड, उरिष्ठा, बिहार आरो सोनाब बंगआ दंफायो। बोथोर बिफानआ फोरमायनाय बायदिब्ला बे ओन्सोलफोरगव बरफ गोग्लैनो हागौ। बोथोर बिफाना एक्सआव मोनसे पस्ट होना बुडोदि, बेनि अनगायै आसाम, मेघालय, छत्तिसगड, मध्य प्रदेश, सोनाब बंग', झारखान्ड, उरिष्ठा, कर्नाटक आरो उत्तरगखान्डनि माखासे जायगाफोरगव मोनफ्रोम घन्टयाव 50-60 कि:मि: गोव्धैथिजों गोब्राब बारबो बारनो हागौ।

सोदोमस्त्रि

अनजुलि रजे

रंजालि गथ'फोरनि सौरा

स्मिमां

दिखारनि हांमा

नोंनो गिबि आंनि मेगननि नोजोराव
मुड नॉनि जेरै सोदोमस्त्रि
महरा नॉनि नायबाय थाथावथाव
बारफुनाय गलाप बिबार बायदि ।
लोगो मोनजेननाय समाव
खसायधाम महालया फुजायाव
गोसो माब्रैबा हरखाब मोजां मोनबाय
नॉनि समायना महरखो नुनानै ।
बावनो नाजाब्लाबो बावनो हाया
नॉनि समायना महरआ
बिखाया ख्लाब मोनखाडे नोंखौ गोसो खांना
गोसो गोबों गुसु मेलेमाव ।
गलाप बिबारनि महर देरफुनाय नों सोदोमस्त्रि
खावलाया नॉनि जारौ रौ
बेनो बोनानै लाडे गोरबोखौ
अनजालि गोथार गोसोनि फोथायसुलि ।
लोगो मोनोब्ला सानो रायदावनो
हमथाना थाफिनो गोसोआ
गोसोआवनो थाफिनो खुगानि राव ।
फोजोब होबाय नों
नॉनि गोबॉनि गोथौ मिजिंकरखौ

श्री आगष्ट नाजारी.
गामि-थाकथारा, ला:सो:-रन्छाइधाम
जिला- चिरां, बि टि सि

सिख्रि

मिच प्रथिमा राणि ब्रह्म

सिख्रि नों मा एसे समायन मा एसे रमायना ।
नोंनि बे महर मुश्रीखौ नुनानै..... ।
आं गोसोबाय नुआखैमोन ।
आं रावखौबो नाथाय आंनि
बे बिबार बारि आव हासिंङे नों ?

अनदोंमोन नों रजे
सिबिदोंमोन नों
दिनै..... ॥
मानि थाखाय
माखौ लाना, मा सान्नानै,
गोबोंयाव दावदाब दोनलांखो;
बुजि मोना-मोना
हमस 'नो हाया, हमदां हाया
उदां जीउयाव खालामलांबाय नों;
दाहा गलांबाय बायफलेनाय गैयै संसाराव ।
नोंनि सिबिनाय, नोंनि फोथायनाय
बोजोबदोंमोन आं रजे;
दिनै..... !!
मानो नाजाव दिया आंनि अन्नाय ।
मिथिबाय रजे;
बेफोर सम आरो मुगानि भावथिना
गोबों बिखाया गावलांबाय
बायफलेलांबाय गोबों गोसोया
नंखाय जीउनि दिडा जावलांनायाव
मिथिबाय, बे नंखाय मोजां मोन्नायनि गेजेरजों
गोसो गोबों जीउ सोलेरा बायफलेलांबाय
देहा सोलेरा लोरबां जालांबाय
गोसोनि मिजिंया लैथोयाव दोबैलांबाय
गोजावलांबाय रजेया बुर्लु बुथुराव
जानांबाय आ गोदाव सोराव ।
जोबबाय ।

सिख्रि गेवलां गेवथां गलाब बिबाराव,
बाबाथाय नों बेसे समायो..... ।
नोंनि बे गाबआ गोजा, गोसोम,
गोमो, गुफुर, मा एसे समायना नों सिख्रि ।
नों आंनि सानफ्रोमनि दुखु सुखुखौ..... ।
नोंखौ आंनि जिउनि लोगो;
नों दिनैनफ्राय आंखों लोगो साननानै लादो ।
बे बिबार बारि आव सानफ्रोमबो बाफैबाय
था, आंनि दुखु सुखुखौ सुलाय होफै ।

मेयानि हराव आंदि मा सिमां नुदोंमोन,
मेया मैया बुंसनोनो हाया ।
सानजा फैसालियाव ओंखारबोनाय
फुंबिलिनि गोरलै जारौ सानखौ नुनानै
आंनि गोरबो बिखायादि मानो एसेबां मुहिहाबदों
आं मानोबा एसेबो हमदां हायाखैमोन ।
आं सानदोंमोन बिनो आंनि जीउ
गंसे जायराब देरायाव बिजोंनो
आलो गोजोन संसारा जाफुंसारगोन ।
नाथाय जेब्ला सानजौ फुनि दुंसारनायाव
मोदोमफुबाय बुहुमाव फोथायथि गैयै बिसआ
हाग्रानि जुनारफ्रा थाखुमाबाय दंफां बिलाइयाव
जरासे फारौआ गाब्बाय लैथो बिखायाव,
मुश्री गैयै आयनि मिनिस्तुनायाबो
लांसुनियाफोरनि फानदायनायाव
जानांबाय दिनै जिनाहारि !
हतसुरिया बिमानि अगियान फिसा नों
बुंलांबाय आंखौ बेलासि बुब्बिया अब्ला ?
थै गैयै देहाखौ लानानै नाजादोंमोन आं
लोगो हमथारगोन जोबथा फैसालियाव ।
नाथाइ, गुस्थियाव जारौ मिनिनायजों
खोमसि गोसोयै बुंलांबायल' बियो,
अनजालु नॉनि सिमाड,
सिगांआवनो थाथोंदे
गुबुननो दाफोरमाय

जालाउ बसुमतारी
गामि- रन्छाइधाम
गामि- रन्छाइपारा
जिला- चिरां, बि टि सि ।

आंनि जीउनि सिमांनि मोदाय
बिखायाव थानानै नों
दुखु दाहा होयो मानो, हायनारी ?
आखाय फोलाव फोलाव
लिंहरो नों अनसुला खालामो ।
जीउ आरो सिमांनि आबिर सारफावनो
फैलाव बाला बारीनि बारा बारफिननो
नोंनि बिखायाव जेब्लाबो उनफलेनो हाया, ।
सहायनो हायै बारनि जेथोआव,
गोदान जीउनि गोहो होफिननो
नोंनि गोसोनि साननायखौ जाफुं होनो हालिया
जादों नोंहा दुखु मानि दिखाराव हांमा ।
जादों नोंहा दाहा मानि हांमायाव
गोदोनि बाश्रा जवान बान्था नाथाय नों ।
सानै नों बाश्रा राइज्तायनायनि,
सिमांनि मोनसे देरा लुनायनि
देंखो बोनायनि सावगारीयाव
मिजिं गैयै लामा दबथायाव ।,
सान्दों दासो हारसिंङै हायनारीया सिरि सिरि
इयुन मिजिंक गोगोमै गान्थि खानो ।

रनदा बसुमतारी
काराइगाव स्कुल
थाखो- जि (10)
गामि- कात्रीबारी
ला:सो:- रुणी काता ।

बे समाव हिमाचलनि दर 3 सहरफोरा केम्पिं आरो ट्रेकिंनि मोजां थावनि


बुं नां गौ नो नि सिम



गोदान दिल्ली, 24 आगस्ट : करना जेंनानि समाव ट्रेकिंनि जेंनाआ बांदों । लोगोसेनो सुबुंफोरा लंगडाइबआव थॉनानै केम्पिंबो खालामो । बेनि थाखाय हादतनाडै माखासे स्पट दं । हिमाचलनि बिखायाव केम्पिं आरो ट्रेकिं खालामब्ला आलादा रंजानायखौ मोन्नो हायो । मुलुग नाडैनि सुबुंफोरा हिमाचलनि समायनाखौ नायनो भारतआव दावबाय फैयो ।



(1) हिमाचल प्रदेशआ मिथिगानि समायनानि थाखाय मुंदांखा । बे राइज्योआव माखासे दावबायग्रा जायगाफोर दं । गोबां दावबायारिफोरा हिमाचल प्रदेशआव दावबाय फैयो । हिमाचलनि राजथावनि शिमलाया बोसोरनाडै सुबुंफोरा दावबाय हैयो । करना जेंनानि जाहोनाव खम सुबुंफोरा



बेवहाय दावबाय हैयो । सरसन्त्रा सानफोराव शिमलायाव गोबां सुबुंफोरनि होंगो-दोंगो जायो । कुल्लुआ हिमालयनि बिखाआव दं । हलिडे सेलिब्रेट खालामनो थाखाय कुल्लुआव दावबाय हैनो हागोन । लोगोसेनो कुल्लुआव केम्पिंबो खालामनो हागोन ।
(2) हिमाचल प्रदेशयावनो सांगला हायेन दं, जाय दावबायारिफोरनि थाखाय गोसो बोनो



हानाय मिरु । गोबां खम सुबुंफोरा सांगला हायेननि सोमोन्दै मोनथिनो मोनो । जुदि सुबुंफोरनि होंगो-दोंगोनिफ्राय जानगार जानानै केम्पिं खालामनो गोसो जादोंब्ला सांगल हायेनआव दावबाय हैनो हागोन । बेयो लैथोमानिफ्राय 2500 मिटर गोजौआव । बे हायेननि उनाव कैलासनि हाजो थिखिनि दं ।



(3) धर्मसालाआ हिमाचल प्रदेशनि कांगड़ा जिल्लायाव दं । बे सहरआ गावनि समायनायनि थाखाय मुलुग नाडै मुंदांखा । जुदि बिजि जिउ खुंनायनिफ्राय बायजोआव गोजोनै थानो गोसो जादोंब्ला धर्मशालाआव दावबाय हैनो हागोन । बेयो मोनसे हिल स्टेसन । धर्मशालाआव केम्पिंजों लोगोसे ट्रेकिंबो खालामनो हागोन ।□

अब्ला नों बुंनांगौखौ नों आसुं आबुडै
आंबो आंनि बुंनांगौखौ आंबो बुंनानै
फिन बिदाय समाव ।
नोंनि गुरै गुस्थिखौ
आंनिजों गोरोबफा होन्नानै
नों आंखौ खुदुमोब्ला
बुहुमाव मोन्नो थाडै ।
सोरगोयाव हानाय अमृत बिदैनि
आखायाव आंनावबो नांनाय बायदि
बेसेदि गोजोन सुदेम मिलौहाबनाय जॉनि
अन्नाय मोजां मोनज्लायनायाव
नाथाय मिथिआ रजे समनि फखनाव
बिदिन्थानि गेले होनायआ मा खालाम लाडे
जॉनि इयुन जीउनि दैथुम
आं अरायबो आरजगाबो रजे
अर्बनि सेराव
नोंनि आरो आंनि
इयुन जीउनि गोजोनखौ रजे..... ।

जनकलाल बसुमतारी
थाखो- एड्स एस नैथि इयार
गामि- काइ मारी
ला:सो:-काइ मारी
जिला- कक्राझार बि टि सि आसाम ।

जोंनि बर' बिमा

ओइ बर' हिनजावफोर
ओइ बर' हिनजावफोर ।
गावनि हारिखौ गारनानै
लाबाय नोंसोर गुबुन हारिखौ ।
सोगाबबाय नोंसोर बर' बिमाखौ,
सोर हुगार बावनो बर' बिमानि मोदैखौ ?
जानांबाय हनै बर' बिमाया
खुगायाव खुदै मेगनाव मोदै लानानै आनि-थानि ।
फैदो बर' फोर खौसेयै जों
गावनि हारिखौ लाबोदिनि
जों बर' बिमानि मेगननि मोदैखौ हुगारदोनि ।
बर' बिमानि दुखुजों साग्लोबनानै थानाय गोसोआव
खौसेयै जों सुखु लाबोनि ।
बर' बिमानि गोसोखौ रंजा होनि ।
फैदो बर' फोर फैदो खौसेयै आवगाय बोदो ।
खौसेयै जों हारिखौ गोजौआव देखांदोनि ।
फै बर' फिसाफोर फै ।

थरायना सोमजिला बसुमतारी
कासिया बारि गोजौ फरायसालि

स्ट्रेटस्फेरिक एयारशिप प्लेटफर्मनि गिबि बिरहोनाय आन्जादआव भारतआ जाफुंसारनो हाबाय

गोदान दिल्ली, 4 मे: पेहेलगाम उतखारि गाग्लोबनाय जाथायनि उनाव पाकिस्तानजों सोमोन्दोआ गाञ्चि सिन जाबोनाय समावनो भारतआ रेखाथि फोथारआव मख 'जाथाव जाफु' सारनाय थिसन्नानै शनिबारखालि स्ट्रेटस्फेरिक एयारशिप प्लेटफर्मनि गिबि उरयजेन्नायखौ आन्जाद नायदों। बेजों सान्श्रिनि नोजोर लाखिनाय गोहोआ गोखोंसिन जागोन। रेखाथि मावख 'आ मिथिहोदोंदि, डिआरडिअआ 3 मेआव मध्य प्रदेशनि श्यपुर आन्जाद नायग्रा मिरुनिफ्राय स्ट्रेटस्फेरिक एयारशिप प्लेटफर्मनि गिबि उरायनाय आन्जाद खालामदों आरो बेयाव जाफुंसार जानोबो हादों। आग्रानि एरियेल डिलिभारि रिसार्च डेभेलपमेन्ट इस्टाब्लिसमेन्टआ जौगाखां होनाय बे एयारशिप प्लेटफर्मखौ



17 कि:मि: गोजौआव पेलडजों लोगोसे टेस्ट नायो आरो सेन्सरफोरनि गेजेरजों डाटाबो मोन्नो हादों। बेखौ इयुनआव गोजौ अखां सायाव उरायग्रा उरांफोरखौ उरायहोनायनि थाखाय गोजौ थाखोनि गुन गोनां सिमुलेसन मडेलखौ जौगाखां होनायाव बाहायनाय जागोन। आन्जाद

नायनाय समाव उरांआ 62 मिनिट बिरदोंमोन। डिआरडिअनि आफादगिरि समीर कामतआ बुंदों, बे प्रटयाइप उरांआ बारनिफ्रायबो रेजेंसिन, जोबोद गोजौ प्लेटफर्म प्रग्रामखौ जौगाहोनायनि लामायाव मोनसे माइल खुन्थिया, जाय स्ट्रेटस्फेयार मन्डलआव

गोबाव समसिम बारआव थानो हागौ। स्ट्रेटस्फेयारआ बार मन्डलनि गुबुन गुबुन थोर्फोफोरनि गेजेराव मोनसे। रखाथि मन्थ्र राजनाथ सिंहआ बे प्रग्रामनि गिबि उरायनाय टेस्टआव जाफुंसारनायनि थाखाय डिआरडिअनो हामब्लायथि होदों।

सुंद'सल' मुश्री कामेश्वर बर' गामि:- खासिबारि

आब'अननाय नाजाव लाइजामखौ मोननानै जानांगौ आब'आ गोजोनगोन। लिरा होन्नानैनो सान्दोंमोन नाथाय गोर्बोंनि गावफ्रामनायखौ हमथानानै दोनो हार्यैनि थाखाय लिरबाय, लिरनो नांबाय। आब' मा जाहोनाव (जोनोमनि लिंहरनाय/गोसोनि लुबैनाय) मोनथिया खोरोमखौ आं गोर्बों गोसोजों मोजां मोन्नानै बिजोंनो लोगोसे कटसिम थानानै हाबा जादोंमोन। मोनथिगौ आब' जुलि जाखानाय सासे फिसायखौ बिन बिसिनिफ्राय सेना लाबोनानै गुबुना बिन जायगायाव आबुं खालामोब्ला सेजानाय बिसिया जा बायदि गोर्बोंआव दुखु मोनो हागौ, बे बाश्राखौ आं नों न' गारनानै थानाय उन्ननिफ्रायनो गोर्बोंआव मोन्दांदों। फारसेथिं बिसि फिसाजों गोरोब लायाब्ला बिसिया जा बायदि गोर्बोंनि गुवार लैथोआव बारसोमोनो गोनां जायो बेनि फिथायखौनो आं दिहुन्नानै लादोंप नों गैथैनिफ्राय खोरोमा आंनि फारसे दिन्थिनाय आखुनिफ्राय। आब' बेफोर जियानो जादोलिया, गोबां मानसिनि लाजिहोनाय, लैजाखौ गोर्बोंआवनो सिरियै दोन्दां आं। सान्दोंमोन समाव गासैबो थिग जालांगोन होन्नानै। नाथाय गैया जेबो जायाखिसै। गोर्बोंनि दुखुनि जाबोरखौ नागारनो हायाखै आब'। खोरोमजों लोगोसे माबोरै थाना थाबावनो माथो खोमसि खोमसिसो नुहरबाय।..... गोबां आं पाप खालामबाय, नंगौना आब'। बेखायनो पापनि फिथायखौ आं मोनजानांगोन।आब' नों खोनानै आंखौ बायदि बुंनो हायै रावजों राय, नाथाय अब्लाबो आंहा राहा गैया.... गोबां सानबोलावरनि गेजेरजों आं खोरोमजों दाउभासनि बाश्रा सानबाय। आं मोनथिगौ बेयो आंनि पापनि फिथाय नडा, पापखौ मानिना लानायसो। आब' बे जोनोमाव नॉनि गोबां सुख'हायै इनाय खालामबाय, बेनि थाखाय आं निमाहा लुबैया, लुबैयो खालि मोजोमसे अन्नाय। आसा खालामो, बे अन्नायखौ मोन्नायाव आंखौ नों आब'आ जेबो हेंथा होनाय नड।

समनि थिननायाव

आब' नोंखौ बे समाव मोन्नो जोबोद लुबैदोंमोन, नाथाय.....। लाइजामखौ फरायखानानै बिसिनानै गार। मानोना बेयो नॉनि जेबो खामानियाव फैनाय नडा। आरो एसे बाश्रा आब' खोरोमनि जितआ जुदि नों गोदान जित जोनोम होफिननो, अब्ला बुहुमनि गिबि सुखि जानाय सुबुड आंनो जागोन। आरोबाव खुलुमबावना, फोजोबबाय। नॉनि बिनानाव अलकाया लाइजामखौ गले गले फरायनानै पस्ट अपिससिम आवगायबाय, गोजौ अखोरोंथिं खेबसे गोलाव हां हगारनानै। मनजुआ लाइजामखौ मोनबाय। मोन्नानै खोरोम ओ अलकानि फारसे दुखुबो नांबाय। आरोबाव लाइजामनि जोबथि राव मनजुखौ बांसिन दुखु होबावबाय। गाव बिदि फैनायाखि मोजां जामारदों। खोरोमखौ लानानै जोबोद सुखिमोन मनजुआ, नांगौखिनि गासिबो सुखुखोनो खोरोमनिफ्राय मोन्दोंमोन। खोरोमाबो बेनि उल्था नडमोन। सम सम खोरोमा मनजुखौ सोडोमोन-

“आंखौ लानानै नों सुखिना..... ? मनजुआ नंगौनि इसारा होदोमोन ओ बुदोंमोन- नों थरैनो इन्टिलिजेनट मेन। बेनि मानेया जाबाय, जुदि नोंबो आंखौ मोजां मोनग्राफोरनि फारियाव गोलेयौमोन अब्ला आंनिफ्राय नों जानगारनांगौ मोन। मानोना आं बेफोरखौ इसेबो मोजां मोना। खोरोमा इलिसआव ग्रेजुयेट। माखासे असुबिदानि थाखाय पि.जि. खौ खालामाखिसै। मनजुआ सम सम सानखाडो, खोरोमा सासे मोजां फोरोंगिरि जाया लाबानो मानो फिस्सा फिसौ थिकानि खामानियाव हाबखो ? मनजुआ मोजाडैनो मोनथिगौ, खोरोमा खन्थाय, सुंद' स'ल' एखमबा रायथायबो लिरनाय लायसिफोराव नुयोमोन। इंराजि खन्थाय आवरायना बान्था मोन्नायबो गोबां नेसॉन दं। फरायसा समनिफ्रायनो टेलेन्टखामोन। सासे मोजां फोरोंगिरिनि मासियाव ज'नो हानाय बिहा गुवार जायगा

दंमोन। नाथाय..... बेफोरखौ एंगारखो मानो..... ? मनजुआ सान्नानै आगोर मोना जायो। “नॉनियाव एसे बाश्रा सोंनो सान्दोंमोन गाञ्चि मोन्नाय नडाथ'..... ? मनजुआ खोरोमखौ सोंदोंमोन। “गाञ्चि.....! नोंखौ गाञ्चि मोननो हागोन जानु..... ? जाम्बि, मोनसे नडा गोबां बार सोंजागोन..... बेसेबां गोसो जायो। मानोना बे मोन्थायखौ नों आंनिफ्राय मालाबानो सेना लाबाय। बुंगांनै खोरोमा मनजुनि खावलायाव हांखो बोयो। मनजुआ खुसिजोंनो मिसिबथाबो। दसे सम सिरि थानानै मनजुआ बुडो.....। “नों फोरोंगिरि जायालाबानो बैफोर थिकानि खामानियाव आखाय होनायनि माबा जाहोन डड..... ?” मनजुआदि बिदि सोंनाय सोंगोन होन्ना खोरोमा जेब्लाबो सानाखैमोन। खोरोमा उसु खुथु जायो। बाश्राखौ सोंफ्लांनानै मनजुआबो बोरैबा मोनो। “मनजु आं उदांश्रीखौ मोजां मोनो। मोजां मोनो मोनसे उदांश्री जीउ। साकरियाव नाथाय बे मोन्थाया गैया। बुजिबाय दा.... ? बिदियैनो बारलांदोंमोन आलो गोजोनहाय बिसोरनि जीउआ। समा सोलाय सुला। बियो बारग' लांनाय दिनफोरखौ जारिमिनाव सोलाय होयो, आथिखालखौ गोजाम खालामो आरो गोदानखौ जेब्लाबो बरायनो सांग्रां जानानै थायो। “गुफुर गोसोम गांजों सम सिखिरिया बिरलाडो बबेयावबा सिरियै।” खन्थाय गिरिनि बाश्रायानो सैथोमार। अब्लाबो समाया जोंखौ फोरोडोबो। मोन्थियै बाश्राखौ मोन्थि होयो। खोरोमा मनजुनि लामा दिन्थिगिरि मोन। नाथाय उनावजाबाय बे लामानिनो गिदिरि सोरनि इनजुर। जेब्लायबो खोरोमा धोन, सम्पति, बैंक-बेलेन्स, गारि, नखौ लानानैनो मुखुब। मनजुआ लासै लासै मोन्दांदोंमोन, खोरोमा देहानि गांनायखौ सुफुंनयनि अनगा गुबुन समाव मनजुनि सेराव साफिया। खासि देहानि गांनायखौ सुफुं लायनायानो बिसि

फिसायनि गोजोन जीउ जानो हाया। बिदि अनलायनायनि जित लामाया गोजोन जानो हाया। मानसिनि जित संसाराव बेनो गिदिरि जाहोन। बे गोजोनखौ नागिरनो थानायावनो मनजुआ आनलिद नुबाय। अबोला संसार जानायनि गोजोना बहा.... ?? मनजुआ गुबुन सानफोरनि बायदिनो सिथलानि देबदारु दंकां सेराव जिरायना रादाब बिलाइ फरायनाया दिनैबो मुखुब। बे समावनो लांगोनायाव गोजा रंनि (गाब) मारुटि कारा दोम थाफैयो। मनजुआ कारखौ सिनायनायाव जेबो गोनो गोथो जायाखै मानोना कारा खोरोमनिनो। गारिनिफ्राय खोरोमजों लोगोसे ओंखारफाबाय सासे जारौ मारौ जौम्रां देरस्रां जिन्सजों लोगोसे गगलस गान्नाय सिखोला। सानैबो लहानि गेदखौ खुलिना हाबफैबाय। “मनजु, बियो अलका, अलका बसुमतारी। डि.आर.डि.ए नि अपिसार परेस बसुमतारीनि फिसाजो। बै तिकानि खामानियाव बिथानिसिम गले गले थांबाय थानायावनो बिजों सिनायलायो। बे सिनाय लायनायानो आंखौ आंगो खालामबाय.... आरो दिनै जोंहा कट'आव रेजिसटार हाबाबो जालांबाय.....।” हां खुनसेयैनो जोबोद गुरैयै बुंनानै खोरोमा रुमाव हाबहै बाय। अलकानि मोखाडव अब्ला लाजिनयनि सायखं बेरखांदोंमोन। उन उन बिबो रुमाव खोरोमजों हाबहैदोंमोन। मनजुआ सिमां नुखो ना मा.....! माथो मेगनखौनो फोथायनो हालिया....। खर'आबो गिदिंबाय.....। साननैसो समा बारलांदों। मनजुआ अलकाखौ बिनानाव होन्नानै गोर्बोंआव जायगा होनो हायाखै। आथिखालाव खोरोमा अलकाजों मोनसे खथायावनो उन्दुयो आरो मनजुआ हारसिं गुबुन ख'थायाव। खोरोमा मनजुखौ गावनि गोसो बायदियैनो सोलिनो उदांश्री होदों। बिन जायखि जाया खामानियावनो खोरोमा हेंथा होआखै.....। होनायबो नडा.....। अलकाया मनजुखौ बिब' बायदियैनो मानि बोदों, रायज्लायदों। नाथाय मनजुआसो अलकानि फारसे अन्नाय होफिननो हायाखै। थरै मनजुआ

मिज 'रामआव सानै बांलादेशि आमेरिकान नोगोरारि हमदों

आइजल, 4 मे: मिज 'रामनि राजथावनि आइजलआव शनिबारखालि मोनसे गिदिर अपारेसननि गेजेरजों सानै बांलादेशनि आमेरिकान नोगोरारिफोरखौ हमनो मोन्दों। बिसोरखौ मिज'रामनि लेंपुइ उरां गाथोननिफ्राय हमनो हायो आरो राइज्योनिक्राय डिपर्ट खालामनाय जायो। बिसोरो मिज 'मआव होबथाजानाय आफाद के एनए/एफनि दैदेनगिरिफोरजों लोगो हमनायनि यजना लानानै फैदोंमोन होन्ना सुलुडा मिथिहोदों। एजेन्सिआ सा 4 आमेरिकान नोगोरारिफोर फैगोन होन्ना सिगाडावनो मिथिखादोंमोन। बिसोर 2 मेखालि टुरिस्ट भिजाजों आइजलआव फैदोंमोन। बिसोरनि गेजेराव सानैखौ चेकुन आरो सैन होन्ना मिथिनो हादों आरो गुबुन सानैनै मुंखौ सोराडव लाबोनाय जायाखै।

अलकानि अन्नायखौ नाजावोब्ला गावखौनो गाव थगायनाय जागोन। अलकाया मोनथिखानानैनो मनजुनि जोबोद इनाय खामानि मावबाय। जुलि लाखानाय सासे फिसायजों मोजां मोनज्लायनायनि खेला गेलेनाया हिन्जाव माहारिनि थाखाय जेब्लाबो आजावथाव जानो हाया। अलकाया मनजुखौ नारभास खालामदों। बिदि नारभासा जाबाय आत्मा जों सोमोन्दो थानाय एबा गासै हिन्जाव माहारिखौनो फुन्नाय गोसोम हांगारनि दागो। जायखौ हुखुमोरनो गोब्राव जायो। मनजुआ बे बाश्राखौ मानिनानै सोलिदों। बेखायनो मनजुआ अलकानि फारसे अन्नाय जासिफिननो हायाखै। आरो अलकाया.....। अलकायाबो हिन्जाव माहारि। मनजुनि गोसोखौ बिबो मोजाडैनो मोन्दांदों। बेखायनो जानांगौ सम सम बिब'नि सेराव निमाहा बियो.....। “आंहा गोरोंन्थि जाबाय आब'। गोसोनि मबेबा मोनसे अंगनि लोर्बांथिनि थाखाय गोरोंन्थि मावप्लांबाय। बे गोरोंन्थिखौ माबोरै सुद्रायफिननो... ? आंखौ निमाहा होदो आब'। निमाहा....। थाबनो मनजुनि खुगानिफ्राय राव स' गलाडो। हामारगोन ना निमाहा होनो अलकाखौ.... ? थरै अलकाया निमाहा मोन्थाव मारना..... ? मनजुआ खेबसे नडा खेबनै नडा, खेब साननानै नायबाय। हागोन जानु अलकाखौ निमाहा होनो.... अलकाया मोनथिखा खोनाखानो गोरोंन्थि लामायाव आगान होबाय। नडा.....नडा मनजुआ फोथायना लानो हाया...। मानोना अलकाया मनजुनि जानो लाफुनायथोरसिनि ओंखामखौ सेना जादों, आलो गोजोन मनजुनि जितआव अर लागायदों। बे अरजोंनो दा मनजुआ गोसो गोर्बों गासिबो दोरफो दोरफो खालामजादों। मनजुआ न'आव दसेबो सम थानो हायि बायदि जाबाय। खर' मेलेमा सानै सानै गुदुं जाजोबबाय। मनजुआ सानसे रादाब बिलायाव मोनबायदि कक्राझारनि इरागडाव गोजौ फरायसालियाव बड' बिजोंनि मोजां केरियार गोनां फोरोंगिरि नांगौ। मनजुआ थाबनो एपलाइ खालामगारबाय। लोगोसेनो कल लेटार फैनाय लेखा



आइजलआव सौफैनायनि उनाव बिसोर साब्रै आमेरिकानफोरा केएनए/एफनि दैदेनगिरिफोरजों लोगो हमनायनि यजनायाव बे फसंथाननि गायसनगिरि नाथन लान्व बाउमनि मुडनो गाहाइ। अदेबानि आथिखालाव बाउमआ खारखोमानानै दड। बियो बबेयाव थायो बेखौ रावबो मिथिया। नाथन लान्व बाउमआ केएनए/एफ आरो बेनि वेफन ब्रान्सनि केएनएनि गायसनगिरि। बे आफादआ बांलादेशनि चटगाव हिल ट्रेक्ट्स ओन्सोलाव सांग्रां महरै दड।

सुब्रमण्यामखौ आइएमएफनि एक्जिकिउटिभ डिरेक्टर मासिनिफ्राय बोख्लायबाय

गोदान दिल्ली, 4 मे: भारतआ इन्टारनेसनेल मानीटरि फान्ड (आइएमएफ) आव थिसन्नाय गावनि थान्दै एक्जिउटिभ बिथोनगिरि ड॰ कृष्णमुर्ति सुब्रमण्यामखौ इमारजेन्सियै बिबाननिफ्राय बोख्लायबाय। बिथांखौ 2022 आव 3 बोसोरनि थाखाय बे मासिआव थिसन्दोंमोन आरो बिथानि बिबानआ 6 दान दंबावोमोन। अदेबानि बिथोनआव बिथांखौ बिबाननिफ्राय बोख्लायनायनि जेबो जाहोन फोरमायाखै।



थानाय 30 एप्रिलआव फोसावनाय मोनसे बिथोनआव मन्थि आफादनि थिसनग्रा समिटिआ आइएमएफआव मावफुं बिथोनगिरि महरै बिबानआव थानाय सुब्रमण्यामखौ बिबाननिफ्राय बोख्लायनो गनायथि होदों।

जोबोद दुखु मोनो। सिरियै गाबखोमायो। “खोरोम, आं नोंखौ असान्थि होबाय नामा??” नॉनि गोजोनखौ आं सेना लाबोबाय होन्ना आंखौ नों बुंनो सानो नामा..... नडाब्ला नॉनि आं.....।” “नडा अलका, आंखौ नों असान्थि होदों होन्ना आं सानाखै। आंनि गोजोनखौबो सेनानै लाबोदों होन्ना आं सानाखै। थारैनो बाश्राया एरैसोदि, मनजु थानायनिफ्रायनो आंनि गोसोआ माबिबा मोन्दांदो, माबेबा मुं मोनथियै आबेकआ आंखौ एकथुदों। आं जोबोद हारसिं हारसिं मोन्दों अलका... ?” “नों मनजुनि थाखै एसेबां गोसो हगारदों.....।” “मनजुआदि आंनि बिसि....।” “आंबोथ' नॉनि.....।” “नंगौ, आं माब्लाबाबो नंखाय बुडाखै। नाथाय मनजु गैयैनिफ्राय नखौनो मानोबा गोथैसालि बायदि मोन्दों। जेन गोथैसालिनि मायाबा मोदायासो आंखौ हमनो होसोबाय दं। थिगैनो थानो हालिया अलका।” खोरोमा गोरलै गथ'बादि गाबनो हमो। खोरोमखौ लानानै सुखुनि संसार जानो लुबैनाया अलकानि जेथो नांबाय। जाय जेथोखौ आरो हासवाबोला खेवनो हानाय नॅलिया। न'खरजों सोमोन्दो लाखिलिया मनजुआबो थानायनिफ्रायनो गैया। खोरोमा मनजुनि गोर्बोंआव जा गाब फुनबाय बेनिनो फिथाय महरै दा मोनजाबाय। जाय फिथायनि रसआ गोखा गोफा खाब्रां आथिखालाव अलकानि सेरावनो सलादें भुट बादि गोरलैसोना हरखौ बिदाय होयो। माखौबा साननानै हां गोलाव गोलाव हगारो। अलकानि जौमोन देहायाबो खोरोमखौ जेबो उल्था जाथाय सोमजिहोनो हाया। अलकाया

गाहाम देहानि राहा

इमिउनिटि सिस्टेमखौ गोख्रों बानायनो हानाय माखासे मैंगफोर

देहाखौ गाहामै लाखिनायनि माखासे राहाफोरखौ गाहायआव फोरमायनाय जाबाय-

(1) इमिउन सिस्टेमखौ गोख्रों बानायनो थाखाय भिटामिन सिआ गोनांथार। बेखौ इनफेक्सनजों दावहा नांग्रा हवाईट ब्लाड सेस्लखौ सोमजिखां होनायआव मदत गोनां मानिनानै लानाय जायो। बेनि थाखायनो लेबुखौ जानांगौ। लेबुजों लोगोसे कमला, थुला थेङ आरो सफिता फिथायखौ जानांगौ।

(2) इमिउनिटिखौ बांहोनो थाखाय ब्रकलिखौबो जानाय जायो। मानोना बेवहाय भिटामिन ए, सि, फाइबार, भिटामिन-इ आरो माखासे एन्टिअक्सिडेन्टखौ आबुङै मोन्नो हायो। ब्रकलिखौ जानानै इमिउन सिस्टेमखौ गोख्रों बानायनो हागोन।

(3) इमिउनिटिखौ



गोख्रों बानायनो थाखाय सामब्राम गुफुरखौ जानांगौ। बेवहाय थानाय एन्टि इनफलमेन्टी आरो एन्टि-बेक्टरियेल गुन एबा एलिसिम बादि कम्पाउन्डआ इमिउन सिस्टेमखौ बुस्ट खालामो।

(4) बादामाव भिटामिन इ खौ मोन्नो हायो। भिटामिन इआ मोनसे फेट सल्युबल भिटामिन जाय सोबखनो थाखाय फेटखौ बाहायो। भिटामिन सिनि अनगायै भिटामिन इ आबो इमिउनिटिखौ गोख्रों

बानायो। बेनि थाखायनो बादामखौ जानांगौ।

(5) हाल्दैखौ लानानै इमिउनिटिखौ गोख्रों बानायनो हागोन। मानोना हाल्दैयाव एन्टि इनफलमेटरि, एन्टि बायरेल, एन्टि बेक्टरियेल बादि गुनजों लोगोसे कारकु मिनखौबो मोन्नो हायो। जाय इमिउनिटि सिस्टेमखौ गोख्रों बानायो। बे नटखौ बाहायनायनि सिगां डाक्टरनि सुबुरुन लागोनांगौ।

हिना कौसरआ आदालत सावथुनआव अमिताभ बच्चननि बिब'नि फाव खालामदोंमोन



बलिउडआव माखासे फावखुंग्रिफोरा के रियार खालामफुनायाव एबा जुलिन उनाव बलिउडखौ नागारनायनि थांखि लादों। बिसोरनि गेजेरवनो सासे मन्दाकिनी बायदि सुपार स्टारनि मुडबो दंफायो। नाथाय जों 1970 जौथायनि बै फावखुंग्रिनि सोमोन्दै मिथिहोनो लागिरदों, जायनि बिफाया बलिउडनि मुंदांखा सावथुन

बिथोनगिरिमोन। अदेबानि बिथाडा पर्दायाव अमिताभ बच्चननि बिब'नि बिफाव होदोंमोन। नाथाय 40 निखुइ बांसिन सावथुनफोराव खामानि मावखानाय बे फावखुंग्रिआ जेब्ला सासे गॅस्टारजों लोब्बा लायो अब्ला बिन मुड सावराय जानाय जादोंमोन आरो बियो जुलि जानानै सावथुन मुलुगनिफ्राय गोमालांदों। बे

फावखुंग्रिआनो जादों हिना कौसर, जाय माखासे सावथुनफोराव खामानि मावदोंमोन। नाथाय बियो मुंदांखा जानो हायाखैमोन। बियो के आसिफनि फिसाजो, जाय मुगल ए आजम सावथुनखौ लिरदों, बिथोन होदों आरो दिहुन्दों। सुबुंफोरा बिखौ आमिताभ बच्चननि आदालत सावथुननिफ्राय सिनायो जानांगौ, जेराव बिथाडा बिग बनि बिब'नि फाव खालामदोंमोन। बनि मेथाइ बहना ओ बहनाआ जोबोद हित जादोंमोन। बेनि अनगायै हिना कौसरखौ नागिन धर्णकान्टा, कालिया आरो निकाहनि थाखाय मिथिनो मोनो। नाथाय बिथाडा गोबां मुंदांखा जानो हायाखै। हिनाआ बिफानि जाहोनाव माखासे सावथुनफोर मोन्दोंमोन। नाथाय बियो पार्सनेल जिउखौ लानानै खौराडाव थादों। सुलुंनि बादिब्ला, बियो भारतीय गॅस्टर

सेनियर कमेडियान मेहमुदआ माखासे सावथुनफोराव गेदेर स्टारफोरनिखुइ बांसिन फिस मोन्दोंमोन

सावथुन मुलुगाव मोनसे ओरैबायदि सम दंमोन जेब्ला कमेडियानफोरनि मोनसे जर'खा जायगा थायोमोन जेब्ला कमेडि खालामग्रा आर्टिस्टआ कमेडिनि बिबानखौ लायोमोन अब्लासो मेन स्ट्रिम हिर'आ एक्सन आरो रमान्स खालामोमोन। बै समाव सावथुन मुलुगाव सासे ओरैबायदि कमेडियाननि दोहौ दंमोन, जाय एक्टि आरो खामानि मावनाय बिथिंआव गेदेर गेदेर स्टारफोरनि सायाव गोहोम गोर्लैयोमोन। बनि फिसआ माखासे सावथुनफोराव रजेश खान्ना आरो अमिताभ बच्चननिखुइबो बांसिनमोन। बे सेनियर कमेडियानआ के मियनि थाखायबो मोजां फिस लायोमोन। बे कमिक स्टारनि मुडनो जादों मेहमुद। मेहमुदआ माखासे सावथुनफोराव गावनि एक्टिजों नायगिरिफोरखौ




मिनिहोयोमोन। बिथाडा उन्दै फावदिरि महरै 'किस्मत' सावथुननिफ्राय गावनि केरियारखौ जागाय जेन्दोंमोन। बेयो 1940 माइथायनि बाश्रा। 1950 माइथाय जाजासिमाव बिथाडा गावखौ सासे जाखांफुनाय गोख्रों कमेडि आर्टिस्ट महराव सिनायथि होखाबायमोन। सिआइडि आरो प्यासा बायदि सावथुनफोरा बिथानि मख'जाखाबायमोन। 1960 माइथाय फैनाय लोगो लोगोनो बिथानि मुड सावथुन मुलुगनि गेदेर स्टारफोरजों

थाखाबायमोन। बिथाडा सासे जाफुंसारनाय स्टार जानायजों लोगोसे सावथुन बिथोनगिरि आरो प्रडिउसारनो जाखाबायमोन। बे समाव बिथाडा पडोसन, भुत बंग्ला, जोहर मेहमुद इन हंके; बम्बे टु गवा, बायदि सावथुनफोराव खामानि मावदों। दा प्रिन्ट में पाब्लिशनि मोनसे रिपर्टनि बायदिब्ला, मेहमुदआ मोनसे सावथुनाव केमियनि थाखाय 7.5 लाख रं चार्ज लायोमोन। बै समाव बे रांआ जोबोद गोबांमोन। बै समाव सुनिल

दामिनि सुपारहिट सावथुननि 32 बोसोर आबुं जानायाव सानि देअलआ माखासे बाथ्रा फोरमायदों

32 बोसोर सिगां नुजाथिनाय बे सावथुनखौ आथिखालावबो नायगिरिफोरा टिभिआव नायनो मोजां मोनो। सावथुननि डायलगआ ओरैबायदि मुंदांखा जे आथिखालावबो सुबुंफोरनि खुगायाव खोनानो मोनो। डायलगआ जादों तारीख पर तारीख मिलती है, लेकिन नहीं मिलता न्याय। बेखौ खोनानानै मिबथि खाबाय जानांगौ जे सानि देअलनि सुपारहिट सावथुन 'दामिनि'नि बाश्रा सावरायदों, जायखौ जेब्लायबो रायखानाय जायो। गें रेप बायदि बल्ड आयदायाव बानायनाय सावथुननि रिलिजआ बावैसो सिगां 32 बोसोर आबुं जाबायमोन, जायनि जाहोनाव 32 थि एनिभास्सारियाव गाहाइ फावखुंगुर सानि देअल आरो फावखुंग्रि मिनाक्षि शेषाद्रिआ गावसिनि मोन्दांथिफोरखौ इन्सटाग्रामआव फोरमायदोंमोन। नाथाय नोंथांमोनहा मिबथिगौना बे सावथुननि थाखाय माखासे फावखुंग्रिफोरनि मुंखौ सायख'नाय जादोंमोन। अदेबानि सावथुनाव



स्टारकास्टखौ लानानै फावखुंग्रि मिनाक्षि शेषाद्रिनि मुड रोखा नडामोन। बबेखानि गाहाइ फावखुंगुर महरै सानि देअलआ डिम्पल कपाडियाखौ लानो थाखाय एडभाइस होदोंमोन।

फारसेथिं ऋषि कापुरआ श्रीदेबिखौ दामिनीनि बिफावआव खामानि मावजानो लुबैयोमोन। नाथाय फाइनालआव मिनाक्षिनि मुड थादों। मिनाक्षिनि सिगां सावथुन

बानायग्राफोरा सावथुननि अफारखौ माधुरि दिक्षितनो होदोंमोन। बेस्थ' शेडयुलनि जाहोनाव बिथाडा खामानि मावनो नेवसिगारदोंमोन। राजकुमार सन्तषिनि दिहुनायाव

नुजाथिनाय 'दामिनि' सावथुना 30 एप्रिल 1993 आव सिनेमा हलफोराव नुजाथिदोंमोन। 'दामिनि' सावथुनाव सानि देअलजों लोगोसे फावखुंग्रि मिनाक्षि शेषाद्रि, ऋषि कापुर, अमरिश पुरिआ गाहाइ फावआव दं। मिबथिहोनाय बायदिब्ला 2 कौटि रांआव बानाय जानाय गोख्रों सल'नि सावथुना 11 कौटि रां आरजिदोंमोन। दामिनि सावथुनखौ मोनबै रावआव बानायनाय जादों। बेयो तेलुगु रावआव 'उर्मिला, तामिलनाडुआव प्रियंका मुंजों लोगोसे उडियाआव नारि नुहे तु नारायणि' जों लोगोसेनो बांलादेशआवबो बानाय जाखांबाय।

सुपार स्टार धर्मेन्द्रआ गावनि इनस्टाग्राम हेन्डलआव जया प्रदाजों लानाय गांनै सावगारि पस्ट खालामदों

मुंदांखा सुपार स्टार धर्मेन्द्रआ गावनि अन्सुलि लोगो फावगिरि जया प्रदाजों लोगो हमदों, जाय गावनि सासे नख'रनि लोगोजों लोगोसे बिथांखौ लोगो हमनो फैदोंमोन। बिथाडा गावनि इनस्टाग्रामआव जया प्रदाजों पज होनाय मोननै सावगारिफोर पस्ट खालामदों आरो बेव लिरदोंदि, आनि अन्सुलि लोगो फावगिरि जया प्रदाआ दिने गावनि सासे नख'रनि लोगोजों लोगोसे आंखौ लोगो हमनो फैदों। आं बिसोरखौ नुनानै जोबोद खुसि, जाय सुबुंफोर मिथिया बिसोरनो मिथिहोनाय जायोदि, धर्मेन्द्र आरो जया प्रदाआ सिगाडवबो माखासे ब्लकबास्टर हित सावथुनफोर होदों। 1983 आव कयामत सावथुनजों जागायनायनि उनाव बिसोर



सानैआ 1984 आव इनसाफ कौन करेगा, 1984 आव धर्म और कानुन, 1988 आव गंगा तेरे देश में, 1988 आव मदों वाली बात, 1989 आव एलान-ए-जंग, 1989 आव शाहजादे, 1990 आव कानुन की जंजीर, 1991 आव फरिश्ते, 1993 आव कुंदन, 1995 आव वीर, 1995 आव पाप्पी देवता, 1995 आव मैदान-ए-जंग, 1999 आव न्यायदाता आरो लोह पुरुष बायदि सावथुनफोराव जुथायै

खामानि मावदोंमोन। गुबुन मोनसे नटआव धर्मेन्द्र आरो हेमा मालिनीआ 2 मेखालि संसार जानायखौ 45 बोसोर आबुं खालामबाय। गावनि बिमा-बिफाखौ बिसोरनि जर'खा सानआव गाहाम हामलायथि होनायजों लोगोसे बिसोरनि फावखुंग्रि फिसाजो इशा देअलआ गावनि एकाउन्टआव गांनै सावगारि शेयार खालामदों। गिबि सावगारिआव धर्मेन्द्र आरो हेमाआ गावनि उन्दै समनि

सशेल मिडियाआव अक्षय कुमार आरो फावखुंग्रि मधुनि भिडिअआ गोख्रैयै भाइरेल जागासिनो दं

90 थि जौथायाव एलान, हम हैं बेमिसाल, जालिम बायदि सुपारहिट सावथुनफोर होनाय ज'रा अक्षय कुमार आरो मधुआ फिन खनसेबाव गिदिर पर्दाआव नुजाथिगोन आरो बेयो बे सोलिफु बोसोराव जुनआव रिलिज जानो गोनां सावथुन कन्नाप्पाआव जयै नुजाथिगोन।



बावैसो सिगां बे सावथुननि ट्रेलार लन्च इभेन्टआव जेब्ला अक्षय आरो मधु मोगा-मोगि जायो अब्ला बिथाडा मधुखौ बाख्नायो आरो बुडोदि, 20 बोसोर उनावबो मधुखौ बिब्दिनो नुयो। इन्सटाग्रामआव फिल्म मन्त्रि मिडिया मुंजों बानायनाय पेजआव कन्नाप्पा

सावथुननि ट्रेलार लन्चनि मोनसे भिडिअखौ शेरार खालामनाय जादों। बेव बलिउडनि फावखुंगुर अक्षय कुमार आरो 90 थि जौथाइनि मुंदांखा फावखुंग्रि मधुआ जयै नुजाथिदोंमोन। मधुआ ब्लेक एबा गोसोमगाबनि फिस काट स्कर्ट आरो शिमरी टर्टलनेक

फुल स्लिब्स क्रप टप गान्दों, जेराव बिथांखौ जोबोद समायना नुदों। बिथांनि समायना लुकखौ नुनानै अक्षय कुमारआ बुडोदि, जों 20 बोसोर सिगां जयै खामानि मावदोंमोन, नाथाय आथिखालावबो मधुआ जोबोद समायना। बिथाडा बुडोदि, आं

बिथांजों 20 बोसोर उनावसो लोगो मोन्दों, नाथाय बिथाडा दासिमबो सोलायाखै। बिब्दि मोनो जे मधुजिआ फ्रिजआव थांनानै उन्दुयो। सशेल मिडियाआव अक्षय कुमार आरो मधुनि भिडिअया गोख्रैयै भाइरेल जागासिनो दं आरो रोजा रोजा सुबुंफोरा बेखौ लाइक खालामखांबाय। इजजारफोराबो कमेन्ट खालामगासिनो दं आरो बुंदोंदि, मधुआ गावखौ जोबोद मोजाडै मेन्टेन खालामना लाखिदों। अक्षय कुमार आरो मधुआ गिबिसिनि 'योद्धा' सावथुनाव जयै स्क्रिन शेयार खालामदोंमोन, जेराव सुनिल शेद्वि आबो बिसोरजों लोगोसे गाहाइ फावआव दंमोन। बेनि अनगायै बिथाडा 'जालिम' सावथुनाव अक्षय कुमारजों लोगोसे नुजाथिखांबाय।

'सुपारबयज अफ मालेगांव' सावथुना लेटारबक्सडनि फारिलाइआव जायगा आवग्रिनो हदों

'सुपारबायज अफ मालेगांव' सावथुना थारैनो बयनिबो गोसो देरहानो हानाय सावथुन। बेयो मोनसे सल'ल' नड मोनसे फेसनबो, मालेगांव बायदि फिसा सहरनिफ्राय फैनाय नासिर शेख आरो बनि लोगोफोरनि सैथो जाथाय, जाय गावनि सिमांखौ गिदिर पर्दाआव फोथाना दिन्थिदों। सावथुनाव बलिउडनि टप फावखुंगुरफोरबो गैयामोन। अदेबानि सावथुननि बाजेटआबो



बेसेन गोसा नडमोन। नाथाय अब्लाबो सावथुना रिभिउयारफोरनिफ्राय अन्साइनाय मोन्दों। आथिखालाव बे सावथुना सेटारबक्सडनि 2025

नि टप 50 सावथुनफोरनि फारिलाइआव बाहागो लानानै आरोबाव मोनसे गिदिर जाफुंसारनायनि बाहागो लानो हदों। 3.8 रेंटिजों लोगोसे सुपार

बयज अफ मालेगावआ लेटारबक्सडनि फारिलाइआव 23 थि आव जायगा आवग्रिदों आरो जर'खा बाश्राया बेनोदि, बेयो इन्टारनेशनल टाइटेल्सनि गेजेराव मोनसे भारतीय सावथुन। बेनि सिगां बे सावथुना 2024 नि टरन्ट इन्टारनेसनेल फिल्म फेस्टिभेलनि गाला प्रग्रामआव वर्ल्ड प्रिमियारनि महरावबो मुंदांखा जाखांबाय। सुपारबयज अफ मालेगांव सावथुना मोनसे आमेजन

एमजिएम अरिजिनेल सावथुन, जायखौ एक्सेल एन्टारटेनमेन्ट आरो टाइगर बेबिआ प्रडिउस खालामदों। बे सावथुनखौ रिशेस सिधवानि, फरहान अख्तर, जया अख्तरप आरो रिमा कागतिआ बानायदों, अदेबानि स्क्रिप्टखौ भरुण ग्रभरआ लिरदों। सावथुनाव आदर्श गौरव, भिनित कुमार सिंह आरो शशांक अरोड़ा बायदि गोख्रों फावगिरिफोरखौ गाहाइ फावआव नुनो मोन्दों।

चेन्नाइ सुपार किंसनि हेंथायै देरहानायजों आरसिबिआ प्लेअफ सिम सौहैनायाव जाफुंसारदों

गोदान दिल्ली, 4 मे: भिराट कहलि (62) आरो जेकब बेथेल (55)नि अपेनिं जरानिफ्राय जागायजेन्नयनि उनाव केरेबियानि अलराउन्डार रमारिय शेफार्डिनि 53 नटआउट सारप्राइज इनिंस गेलेनाया आरसिबिखौ प्लेअफनिफ्राय जानगार जानाय खनबा चेम्पियन जाखानाय चेन्नाइ सुपार किंसनि बेरेखायै 5 उइकेटआव 213 राननि गिदिर स्कर बानायनायाव मदद खालामो। बेनि फिन्नायाव चेन्नाइआ 20 अभारआव 211 रानल' बानायनो हायो आरो आरसिबिआ मेचखौ 2 रानजों देरहायो। बे देरहानायजों बेंगालुरुआबो पइन्ट फारिलाइनि गोजौसिनाव सौहैबाय। आरसिबिआ 11 मेचफोरनि गेजेराव 8 मेचफोर देरहादों आरो हान्जाया प्लेअफआव गावनि जायगाखौ फ्राय राखा खालामनायनि लामायाव। बबेखानि बेखौ दासिमबो मावख'आरि महरै फोसावनाय जायाखै। चिन्नास्वामी स्टेंडियामआव गोख्रै जागायजेन्नायनि उनाव आरसिबिनि इनिंसआ लासै जायो। मोनसे समाव आरसिबिआ 12 अभारआव मोनसे उइकेट खोमानानै 121 रान बानायो आरो मोनसे गिदिर स्करनि फारसे आवगायगासिनो दंमोन। नाथाय सिएसकेनि बलारफोरा 32 राननि गेजेराव

साब्रै उइकेट लाना काम्बेक खालामो। 18 थि अभारसिम आरसिबिआ 159 रान बानायनो हादोंमोन आरो बिसोरनि थाखाय 200 नि सिमाखौ बारनो गोब्राब जादोंमोन। बबेखानि टिम डेभिडआ क्रिजआव दंमोन, जाय बेनि सिगां गोबां समफोराव गोख्रों बेटिं खालामदो आरो सिएसकेनि बलारफोरा बिथानि थाखाय थियारि खालामदोंमोन। नाथाय रमारिय शेफार्ड सिएसकेनि बलारफोरखौ सोमोनांहोदोंमोन। टिम डेभिडआ गुबुन फारसेथिं दंमोन आरो गुबुन फारसेथिं रमारियआ 19 थि अभाराव खालीलनि अभारआव 33 रान बानायो, जाय बेखौ बे आइपिएलनि बयनिखुइबो बेसेन गोसासिन अभार बानायदोंमोन। बे अभारआव बिथाइड मोनब्रै सिक्स बुदोंमोन न। य गि रि फे र खौ गोजोनग्लायहोदोंमोन। जोबथा अभाराव डेविडआ सिंगेल रान होनानै रमारियखौ स्ट्राइकआव लाखियो। रमारियआ पथिरानानि उननि मोनबा बलआव मोननै ब्रै आरो मोननै सिक्स बुनानै गावनि हाफ सेन्सुरि रान लानायजों इनिंसखौ फोजोबो, जाय बेबादि स्करनि फारसे आवगायगासिनो दंमोन। नाथाय सिएसकेनि बलारफोरा 32 राननि गेजेराव



बानायदोंमोन, जाय आइ.पि.एल. नि जारिमिनाव गावनि मुंखौ दिन्थियो। बिथाइ 14 बलआव 50 बानायनो हानाय थामथि बेट्समेन। बिथानि सिगाइव बे रेकर्डआ के एल राहुल आरो पैट कामिन्सनि मुडाव दं। आइ.पि.एल.आव बयनिखुइ गोख्रैसिन बाजि बानायनायनि रेकर्डआ यशस्वी जायसवालनि मुइ दं, जाय 2023 माइथायाव खालि 13 बलआव 50 रान बानायदोंमोन। भिराट कहलि (62) आरो जेकब बेथेल (55) नि जराया गावसोरनि हानजाखौ गावसोरनि हम ग्राउन्ड चिन्नास्वामी स्टेंडियामाव गोखोडें जागायजेन्दोंमोन। बेथेलआ खालि 28 बलआव गावनि गिबि आइ.पि.एल. हाफ सेन्सुरि खालामदों। बेनि सिगाइव

सानैबो खलील अहमदखौ थांखिनानै गावनि नै अभारआव 32 रान बानायदों, जायजों आरसिबिआ पावरप्लेनि द' अभारआव 71 रान बानायनो हायो। बेथेलआ खलीलनि गिबि अभारआवनो फारियै मोनथाम ब्रै रान बुदोंमोन। अनसुल कम्बोजआ गुबुन जोबनायनिफ्राय राननि बोहैथिखौ होबथानो नाजादोंमोन। ब्रैथि अभारआव चेन्नाइआ बेथलखौ आउट खालामनो खानु मोनदोंमोन। जेब्ला बेथलआ 27 रानआव दंमोन अब्ला बलआ बिथानि बेटनिफ्राय मोनसे एज लायो आरो शर्ट थार्डमेननि फारसे थाडे आरो रभिन्द्र जाडेजाआ बेखौ हमनो हायो, नाथाय मथिशा पथिरानाआ बिथांजों सौग्रावनायजों जाडेजानि आखायनिफ्राय बलआ गयो।

भिराट कहलिआ बे मेचआव फारियै ब्रैथि हाफ सेन्सुरि आरो सिजननि स्त्रिथि रान बानायदों। गावनि 33 बलआव भिराटआ मोनबा सिक्स आरो मोनबा ब्रै बुदों। बेजों लोगोसे भिराटआ सिएसकेनि बेरेखायै 1146 रानखौबो आबुं खालामदों, जाय मोनसे टीमनि बेरेखायै सासे बुगिरिनि बयनिखुइ बांसिन रान। बिथाइ खलीलनि नैथि अभारआव मोननै सिक्स बुदों आरो आरसिबिनि थाखाय 300 सिक्सबो बुदों। बिथाइ मोनसे हान्जानि थाखाय बयनिखुइबो बांसिन सिक्स बुनायनि बेलआयाव गोजौसिनाव दं। बेनि अनगायैबो, भिराटआ चिन्नास्वामी स्टेंडियामआवबो गावनि 150 सिक्सखौ आबुं खालामो, जेराव बिथाइ मोनसे फोथाराव बयनिखुइबो बांसिन सिक्स बुनायनि बेलायावबो

सासे। बेनिनो देवदत्त पाडिक्कलआ 15 बलआव 17 रान, केप्टेन रजत पाटीदारआ 15 बलआव 11 रान आरो उइकेटकपार जितेश शर्माआ 8 बलआव 7 रान बानायो। टिम डेविडआ 2 रान बानायनानै नटआउट थायो। खलीलआ बे मेचआव खालि थाम अभारल' खुबैनानै 65 रान होदों। बिथाइ जोबथा अभाराव 33 रान होदोंमोन, जाय बे सिजनआव बयनिखुइबो बांसिन रान। माथिशा पथिरानाआ 3 उइकेट लायो। नुर अहमेद आरो सेम करनआ 1-1 उइकेट लार्द। चेन्नाइआ आइ.पि.एल.नि जारिमिनाव बयनिखुइ बांसिन 206 राननि स्करखौ होसोदोंमोन। बेबादि थासारियाव चेन्नाइनो 214 रान होसोनो थाखाय गोख्रै जागायजेन्नायनि गोनांथि दंमोन। आयुष महात्रे आरो शेख रशीदआ सिगानि 2 अभारआव 11 रानल' बानायदोंमोन। बेनि उनाव सानैबो रान रेटखौ बांहोदोंमोन आरो स्करआ 4 अभारआव 49 सिम सौहैदोंमोन। 5थि अभारआव करुणाल पाण्डेयाआ राशिदखौ (14)रानआव आउट खालामो। थामथि नम्बरआव बेटिं खालामनो फैनाय सेम करनआ गावनि उइकेट खम बेसेनावनो खोमाना लादोंमोन। रभिन्द्र जाडेजा आरो आयुष महात्रेआ

चेन्नाइन इनिंसआव थुलुंगा होदों। बेनि गेजेराव आयुषआ गावनि आइ.पि.एल. केरियारआव 25 बलआव गावनि गिबि हाफ सेन्सुरि रान बानायो। गावनि ब्रैथि आइपिएल मेचखौल' गेलेखानायनि उनाव आयुषआ लीगआव बाजि बानायनो हानाय थामथि बयनिखुइबो उन्दैसिन बेट्समेन जानो हादों। बिथाइ 17 बोसोर 291 सान बैसोआव बे रेकर्डखौ बानायदों। बे समावनो बिथानि टीमनि लोगो रभिन्द्र जाडेजाआबो 29 बलआव 50 रान बानायो। सानैबो बेट्समेनआ मेचखौ आरसिबिनि आखाइनिफ्राय बोखारगासिनो दंमोन। बे समावनो, आयुषआबो गावनि आइ.पि.एल. केरियारआव गावनि गिबि जौसेनि खाथियावमोन। बेयो मेचआव रंजायावखौ लाबोफिन्दोंमोन। 17 थि अभारनि नैथि बलआव सिजननि गावनि गिबि मेच गेलेनाय लुंगी एनगिडीआ आयुषखौ जौसे रान बानायनायनिफ्राय होबथादों। आयुष जाय 94 रानआव गेलेगासिनो दंमोन बिथाइ मोनसे सिक्सजों गावनि जौसेखौ फोजोबनो लुबैदोंमोन। बबेखानि बिथाइ करुणाल पाण्डेयानो मोनसे कैच होयो। आयुषआ 48 बल गेलेनानै 94 रान बानायदों। उननि बलआवनो

लुंगीआ देवाल्ड ब्रेविसखौ एलबिडब्लिउ आउट खालामो। डेवाल्ड ब्रेविसआ रिभिड बिदोंमोन, नाथाय स्क्रिनआव जेबो टाइमार दिन्थिनाय जायाखैमोन। जेब्लासिम ब्रेविसआ बिसावरायनायखौ लादोंमोन, आम्पायर नितिन मेननआ बुंदोंमोन दि, समआ जोबलांबाय। बे समाव जडेजा आरो आम्पायरनि गेजेराव माखासे सावरायलायनाय जादोंमोन, नाथाय बेनि फिथाइया बेमोन दि, ब्रेविसआ पवेलियन थांफिननादों। चेन्नाइनो जोबथा 3 अभारआव देरहानो थाखाय 35 राननि गोनांथि दंमोन। 18थि अभार खुबैनो फैनाय सुयश शर्माआ 6 रानल' होदोंमोन। बे थासारियाव चेन्नाइआ दा 12 बलआव 29 रान बानायनो गोनांथि दंमोन सिएसकेनि सानै बयनिखुइबो रोंगथिगोनो बेट्समेन, महेंद्र सिंह धनी आरो रभिन्द्र जाडेजाआ फोथाराव दंमोन। जोबथा अभाराव यश दयालआ धनोखौ ल' फुलटसजों एलबिडब्लिउ आउट खालामो। बे समाव शिभम दुबेआ जाडेजाखौ हेफाजाब होनो फैदोंमोन। चेन्नाइनो 3 बलआव 13 राननि गोनांथि दंमोन। शिभम दुबेआ न'बलआव मोनसे सिक्स बुयो। नाथाय यश दयालआ उननि मोनथाम बलआव 3 रानल' होदोंमोन।

अरुणाचलनि खिनसान वांसुआ वर्ल्ड इडनिभासिटि गेम्स- 2025 नि थाखाय सायख 'जादों



इटानगर, 4 मे: अरुणाचल प्रदेशनि सासे ताइक्वाण्ड' एथलीट खिनसान वांसुखौ जार्मानियाव मुंदांखा वर्ल्ड इडनिभासिटि गेम्स-2025 आव 13 सोद्रोमायारि आइजो हान्जानि बाहागो महरै भारतनि जानानै गेलेनो सायख'नाय जादों। वांसुनि सायख'नाय थांनाय फेब्रुवारिआव अमृतशर, पान्जाबनि गुरु नानक देव मुलुगसोलोंसालियाव खुंजानाय

ट्रायल सायख'नायाव बिथानि साबसिन दिन्थिफु'नायनि फोरमान। बे मख'जाथाव जाफुंसारनाया गोथोयै रिसारदों, जाय लॉडिं जिल्ला, अरुणाचल प्रदेश राइजो आरो गासै हादरआव बिथानि हारिनि थाखाय मोनसे गोगगाथाव बुब्लि। अरुणाचल तायक्वाण्ड' एस'सिएशननि गहाइ नेहाथारि लिखा रबिनआ बिथानि जाफुंसारनायखौ बाख्नायनानै

बुंदोंदि, “खिनसाननि दावबायनाया लाइमोन एथलीटफोर, गुबैयै सा-सान्जा ओन्सोलनि सुबुंफोरनि थाखाय मोनसे गोहोगोरा थुलुंगानि फुंखा महरै खामानि मावो। अरुणाचल प्रदेशआव जों बिथानि सायाव फोथायथावै गोगगायो। बिथानि गोहोम गोनां ट्रेक रेकर्डआव गुबुन गुबुन हायुंआरि चेम्पियनशिपआव मोनब्रै सना, मोनसे रुपा आरो मोननै ब्रन्जनि मेडेलफोर दं, जेराव गवा आरो उत्तराखण्डआव खुंजानाय हायुंआरि गेलेमुफोराव मोननै सनानि मेडेलजों लोगोसे मख'जाथाव देरहानायफोर दं।” आथिखालाव हरियाणानि रहतकआव महर्षि दयानन्द मुलुगसोलोंसालियाव गेलेमु बिगियानाव बि.एस.सि. खालामगासिनो दं। बिथां वांसुआ लॉडिं जिल्लानि मिंगटन गामिनि थागिबि।

गोदान दिल्ली, 4 मे: एफ.सि. गवाआ मोनसे टूफीजों मनल' मार्केइजखौ बिदाय होदों। मानोना बरजा हेरेरानि ब्रेसआ लामाखौ दैदेनदोंमोन, मानोना बिथांमोनहा जमशेदपुर एफ.सि.नि सायाव फाइनालआव 3-0 जों देरहानानै सुपर कापखौ देरहादों। देजान द्राजिकआ नैथि हाफआव देरहानायाव गोमोथाव सिन होदों। मानोना गवाआ बे बोथोराव भारतारि जोलुरनि नैथि साबसिन हान्जा महरै गावसोरनि साबसिन रेवगाथि खालामदों। बे देरहानायजों गवाआ फैगौ सिजननि एएफसि चेम्पियन्स लीग-2 नि प्लेअफ थाखीनि थाखायबो क्वालिफाइ जाबाय। जुदि बिसोरो बै प्लेअफ गेमखौ देरहानायाव फेलें जायो, अब्ला बिसोरो एएफसि चेलेन्ज लीगआव गेलेगोन। सेमिफाइनलाव बाइइ गोहो गोनां महन बागानखौ फेजेनखानायनि उनाव गवाआ फेभारेट महरै फाइनलाव सौहैदों।



नाथाय बिसोरो बे सिजनआव जमशेदपुरनि हेंथायै गावसोरनि रेकर्डनिफ्रायबो सांग्रां जागोमोन- बिसोरो बे सिजननि आइएसएलआव खालिद जामिलनि हान्जानि हेंथायै मोन्नैबो मेचखौ जेनदों। जमशेदपुरआबो जोबोद मोजाडे जागायदोंमोन, जेराव रेइ ताचिकावा आरो जाभि हार्नान्डेजनिफ्राय गुबुन गुबुन जानथायनिफ्राय माखासे सिगानि स्नेपशटफोर फैदोंमोन।

जिखिजायामानो गवाआ बनि उनाव मिडफील्डआव बलआव गावनि आथिथिखौ दोनो आरो हाबाफारिखौ गोबां सामलायनो जागायो। जाफुंसारनाया जोबनायाव गिबि हाफनि गेजेराव फैदों आरो बेयो आकाश सांगवानजों जागायजेन्नाय मोनसे आगानमोन आरो हेरेराजों फोजोबजादों। रेन्जनिफ्राय सांगवाननि शटखौ अल्बिन' गम्सआ मोनसे गिथावना जायगायाव सोदोंमोन, हेरेरानि

गिबि शटखौ स्टीफन एजेआ सोमोनांथावै होबथादोंमोन, नाथाय उननि रिबाउन्डनि बागै रावबो खालामनो हानाय नडामोन, मानोना हेरेरानि सिगाइव मोनसे लांदों नेट दंमोन आरो बिथाइ नेटनि उखुमाव एप्लमबजों फोजोबदोंमोन। जमशेदपुरहा गिबि हाफनि जोबनायर्थि सेट-पीसआव माखासे खाबुफोर दंमोन। नाथाय बिसोरो बेनि बांसिन मुलाम्फा लानो हायाखै। अब्लाबो घन्टानि

खाथि-खालायाव, हेरेराया बेखौ जामिलनि फारसे गाखोनो थाखाय मोनसे हाजोमा बानायदोंमोन। बिथाइ खावसे लाइननि सोरगिदिं बलखौ लादोंमोन आरो 30 यार्ड गोजाननिफ्राय मोनसे शटनि सिगां बेजों सिगांथि चार्ज खालामदोंमोन, जाय गोजौ खनायाव बोरलादोंमोन, जाय अल्बिन'खौ गलआव जेबो खानु होयाखैमोन। बनि उनाव इजिकआ कार्ल मैकहागनि साबसिन ट्र बलखौ हथथानानै गावनि देरहानायखौ फोजोबदोंमोन। बनि उनाव अल्बिन'खौ राउन्ड खालामो आरो फिन मोनसे लांदों नेटआव मोनसे गोसलैयै फोजोबनो हायो। बनि उनाव, जमशेदपुरआ गोबां बारहुंखानि गेजेराव, जुनियथै जेबो खानु होनो हायाखैमो॥ मानोना गवाया अखायाव रंजादोंमोन, 2024-25 माइथायनि थाखाय भारतआरि जोलुर बोथोरखौ फोजोबनो थाखाय।

ग्लेन मेक्सवेलनि जायगायाव अस्ट्रेलियानि आनकेण्ड गेलेगिरि मिटच अवेनखौ पान्जाब किंसआव लाबोदों

गोदान दिल्ली, 4 मे: बेखौ बुंनाय जायो दि, खाफालजों लिरजानाय बाथ्राखौ रावबो खोमोरनो एबा सोलायनो हाया। जाय जानो गोनां बेखौ रावबो हमथानो एबा लाखिनो हाया, थाबैनो जाथों एबा नेनांगौनि गोनांथि जायामानो। आइ.पि.एल. 2025 आव बेबादिनो नुनो मोन्नाय जादों, जेराव सासे 23 बोसोर बैसोनि अस्ट्रेलियानि आनकेण्ड गेलेगिरिया जोखोम जानाय ग्लेन मेक्सवेलनि जायगायाव पान्जाब किंस टीमआव जायगा मोन्दों। ग्लेन मेक्सवेलआ

आसिआव दुखु मोन्नायनि जाहोनाव बादायलायनायनिफ्राय गोजानाव थानादों। बिथानि जायगायाव प्रीति जिन्टाआ अस्ट्रेलियानि स्टर अलराउन्डार मिटच अवेनखौ पान्जाब टीमआव लाबोदों। मिटच अवेनआ दासिमबो अस्ट्रेलियानि थाखाय गावनि जागायजेननायखौ खालामाखै। नाथाय बिथाइ सासे आनकेण्ड गुबुन हादरारि गेलेगिरि, जाय आथिखालाव पिएसएलआव पेशावर जाल्मीनि थाखाय गेलेगासिनो दं। गुबैयै तस्मानिया अस्ट्रेलियानि मिटच अवेनआ



34 टी-20 मेच गेलेबाय आरो बे समाव बिथाइ मोननै जौसे आरो 108 नि बयनिखुइ बांसिन

रानजों लोगोसे 646 रान बानायदों। बिथानि मुइव 10 टी-20 उइकेटबो दं। बेयो

मख'जाथाव दि, बिथाइ आथिखालाव पिएसएलआव पेशावर जाल्मीनि जानानै

गेलेगासिनो दं। पेशावर जाल्मीआ बिथांखौ पिएसएल सिजननि थाखाय 30 मिलियन रांआव बायदोंमोन। इएसपिएन क्रिकइन्फ'नि मोनसे रिपर्टनि बायदिब्ला, मिटच अवेनआ जेब्ला बिथानि जाल्मी टीमनि दावबायनाया जोबगोन अब्ला भारतआव दावबायगोन। आथिखालाव पेशावर जाल्मीनि हान्जाया पि.एस.एल.आव बाथि थावनियाव दं, आरो बिथानिमोननि जोबथा ग्रुप स्टेजनि मेचआ 9 मेआव जागोन। जुदि जाल्मीआ प्लेअफनि थाखाय क्वालिफाइ जायो, अब्ला अवेनआ 18

मेआव पिएसएल फाइनलसिम टुर्नामेन्टखौ नागरनाय नड। बेखौ नोजोर होनांगौ दि, अवेनआ आइ.पि.एल.आव सासे सोलायगिरि गेलेगिरि जानो थाखाय आरजाथाव, मानोना बिथाइ थांनाय बोसोरनि जोबनायाव निलामनि थाखाय रेबथुमदोंमोन, नाथाय बिथाइ जोबथा सायख'जानाय फारिलाइआव जायगा मोनाखैमोन। तस्मानियानि 23 बोसोर बैसोनि गोजौ थाखोनि बेट्समेनआ बिबिएलनि बावैसोनि सिजनआव बयनिखुइ बांसिन रान बानायग्रामोन।

बिथाइ हबार्ट हारिकेन्सनि बिमुं देरहानायाव गोनां बिफाव लादोंमोन। फाइनलाव बिथाइ 42 बलआव 108 रान बानायदोंमोन आरो प्लेयर अफ द मैच बान्था देरहादोंमोन। अवेनआ 11 इनिंसआव 45.20 नि गर आरो 203.60 नि स्ट्राइक रेटजों 452 रान बानायदों। बनि उनाव बिथाइ पिएसएलआव गेलेगासिनो, जेराव बिथांखौ कर्बिन बशनि सोलायनाय बानायनाय जादों। कर्बिनआ मुम्बाइ इन्डियान्सजों आइ.पि.एल.आव हाबनो थाखाय पि.एस.एल. नागरदोंमोन।